

筆記小說大觀

集

明徐應秋輯

玉芝堂談薈

第二冊

進步書局校印

卷之四
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百



玉芝堂談薈卷三

明 姑蔑徐應秋君義父輯

賜龍鳳牌

伯顏擅政之日。姦邪之輩。恐獻諛之不至。典瑞院都事某。建言凡詣官提調軍馬者。必珮虎符。今太師伯顏。難與他人同。宜錫龍鳳牌。以寵之。制可。遂制龍鳳牌一面。其三面各函徑寸珠一枚。而飾以紅刺鴉口寶石。牌身鐫元德上輔功臣疏字。仍用白玉嵌造。牌成。直數萬錠。又京畿都運納速刺上言。伯顏功勳蓋世。難與百官一體。合用泥金書詞。以尊榮之。者。臺院官議不可行。止。金書上天眷命皇帝聖旨字樣。仍墨筆。劉瑾擅權時。每上視朝。羣臣向東北作一揖。為瑾在上右也。人謂瑾曰。站的皇帝。謂上曰。坐的皇帝。諸外達衙門封事投通政司者。曰白本。以紅紙具揭投瑾曰紅本。又國朝文武臣領勅行事。俱給銅關防。獨正德間。太監張永征安化王。及再督三關。用金鑄成。嘉靖間。大學士顧公鼎居守。用牙刻關防賜之。嘉靖庚申。上勅南京織閃黃補麒麟仙鶴紗衣各一副。賜分宜閃黃色。惟上得用之。甲子。賜華亭教子升天蟒衣一襲。上手擇有珠者。

賜文臣第

文臣賜第京師。若高帝時有之。以後寒忠定。夏忠靖。楊文貞。楊文敏。胡忠安。吳榮襄。至翰林。臣曾榮。王英。在宣廟俱有賜。文貞力辭而止。于肅愍。陳芳洲。高文義。王毅愍。商文毅。在景廟亦有之。袁彬所請。則文毅賜第也。天順。李文達。王忠肅。馬恭襄。俱有賜第。又為忠肅造第。原籍鹽城。嘉靖間。張文忠治第京師。上聞。以銀帶羊酒落之。今人不考。遂以為賜第。非也。其原籍。始以書院請。特命有司。給夫價。資營造。後夏文愍亦繼之。然不名言賜也。萬曆元年。今江陵築第故里。上特輟御前白金千兩。遣官齎送嘉靖中。既為真人尚書。邵元節。陶仲文。治顯靈宮。于內開法局。而宮外復起大第。其盛尚書端明。顧尚書可學。俱有賜第。乃至通妙。梁散人。方士。段胥子。亦有之。不足為異也。

賜居第額封

高帝以魏國公達勳業非常。于居第左右。特各建一坊。榜曰大功。又特署八字于德慶侯廖永忠門。曰功超羣將。智邁雄師。以旌異之。後襄陽任亨泰。為禮部尚書。得幸。勅于原籍立狀元坊。不為例。又親書孝義門三字。署于浦江鄭氏之門。皆非有司所

請也。世宗時。因張文忠請立書院。仍親定名曰貞義堂。曰抱忠樓。曰寶繪。京師居第成。賜以獻皇帝御書。榮恩堂字。識其端曰皇考手澤。又賜銀印篆刻。所賜字敬字及白金四鎰。彩帛四束。羊酒餼饌等物。諭曰。前聞卿自為堂。曰榮恩。所謂榮得君恩也。朕思皇考。嘗手書三字。朕茶裝軸。茲併銀印一枚。及絲帛等物。以為吾君臣相慶之意。庶見朕意云耳。後楊文襄樓曰寶翰。夏文愍書院曰忠禮。堂曰瓊恩。樓曰寶澤。李文康樓曰珍謨。汪榮和樓曰昭恩。甘少保樓曰尊恩。嚴分宜。高新鄭。亦各沾賜。分宜堂額曰忠弼。樓曰瓊翰。流輝。供立象閣曰勅賜延恩之閣。京師堂曰忠正。南昌樓曰寶翰。堂曰耆德。新鄭樓曰寶謨。堂曰鑒忠。陶乘一原籍書樓曰聖翰。瓊光。今上為張江陵。賜堂額曰純忠。其左扁曰社稷之臣。右扁曰股肱之佐。堂對曰志乘純忠。正氣垂之萬世。功昭捧日。休光播於百年。樓額曰捧日。皆御筆。

賜印記

高皇帝賜懿文太子白玉印。方一寸二分。曰大本堂記。賜中宮皇后白玉印。方亦如之。曰厚載之記。文皇帝賜仁廟玉押。曰人主中正。仁廟即位時。宣廟方為皇太孫。復舉以授之。命印識章奏。國朝惟仁宣二廟。優禮大臣。賜銀圖書。以示褒美。後亦有嗣

行之者。按仁宗朝。蹇義。夏原吉。楊士奇。黃淮。楊榮。金幼孜。俱被賜。其文曰。繩愆糾繆。而義士奇。又有蹇忠貞。楊貞一之印。宣宗賜義曰。忠厚寬宏。原吉曰。含宏貞靜。士奇曰。清方貞一。榮曰。方直剛正。胡濙曰。清和恭靖。又文恭世家。吳中曰。和敏詳遠。景泰賜少傅胡濙曰。忠貞惟篤。少保王文曰。忠誠匪懈。衍聖公孔宏緒曰。謹禮崇德。按是時。王少傅直陳。猶高穀于謙。三少保。當亦有之。特以景廟賜。不敢登之。志傳耳。世宗朝。與賜者。楊一清。張孚敬。桂萼。李時。費宏。夏言。顧鼎臣。翟鑾。方獻夫。嚴嵩。郭勛。仇鸞。楊曰。耆德忠正。又繩愆弼違。又別記。永嘉張茂恭。桂曰。忠誠靜慎。又繩愆匡違。李曰。忠敏安慎。方曰。忠誠直諫。費曰。舊輔元臣。夏曰。學博才優。顧曰。經緯首選。翟曰。清謹學士。又繩愆輔德。嚴曰。忠勤敏達。勛未攷。仇曰。翔卿。又曰。朕所重。惟卿一人。今上以少師張居正乞歸葬。範銀為圖書。以賜之。俾得馳傳。密封言事。其文曰。帝賚忠良。憲廟特賜方士李孜省銀圖書。二曰。妙悟通元。曰。忠貞和直。得密封言事。又鄧常恩圖書一。曰。橐籥陰陽。蕭崇一圖書。二曰。至真元妙。曰。丹霞歲月。世廟賜真人邵元節白玉印。文曰。闡教護國。烏玉印。文曰。太和子。真人陶仲文白玉印。文曰。凌虛子。烏玉印。文曰。林隱銀記。曰。東一保國。宣廟賜太監金英。范弘各銀記。其文不傳。又賜王御用。

瑾銀記四。曰忠肝義膽。曰金貂貴客。曰忠誠自勵。曰心跡雙清。憲廟賜章司禮昌牙記二。曰忠誠不怠。曰謙亨忠敬。銀記一。曰才華明敏。石記一。曰補衮宣化。世廟賜張司禮佐銀記四。曰集謀補德。曰端忠誠慎。曰輔忠。曰勵忠。麥司禮福銀記一。曰恭勤端慎。其他未能悉數。蓋中貴官得之不難。若大臣則為異典耳。若賜詩文者。高皇帝聖質天縱。有觸即發。不以貴近。宣宗賜少傅謹身殿學士楊榮詩一章。世宗賜輔臣費宏七言歌行一章。又賜輔臣楊一清石瑤賈詠詩。皆五言。永樂五年。授交趾明經甘澗祖十一人。為諒江等府同知。各賦詩一章送之。宣德五年。命行在工部尚書許廓巡撫河南。仍賜之詩。又命陽武侯薛祿率師築赤城等處。賜之詩。肅廟以禮部尚書席書病。賜詩問之。以刑部尚書趙鑑致仕。賜詩送之。皆龍箋御墨。天書煥爛。御製祭文者。高皇帝諭祭羣臣。多出御筆。嘉靖中。上為少保禮部尚書席書。太子太保兵部尚書李承勳。皆親御翰墨。作祭文。御製神道碑者。高皇帝為中山王徐達。成祖為姚恭靖。廣孝。

考滿非常恩賜

永樂中。尚書凡三年滿。有賜羊一牽。酒十瓶。鈔千貫者。九年滿。有賜勅獎諭。賜宴內

殿者如永樂中趙弼夏原吉蹇義方賓左都御史李慶皆賜宴華蓋殿其後獎諭賜宴內殿者惟內閣大臣一品九年滿有之而六年滿于羊酒鈔錠之外又有加賜白金五十兩大紅麒麟段衣一襲及酒饌一卓者則自張永嘉始夏貴溪嚴分宜徐華亭俱有之張江陵九年滿于羊酒鈔錠外及銀兩表裡俱以為常賜復加賜白金二百兩坐蟒蟒衣各一襲絲段八表裡陞左柱國太傅予三代誥命蔭子尚寶司丞錫宴禮部辭太傅而已最後十二年滿上為召吏部傳諭元輔居正受先帝顧命夙夜在公任事任怨雖稱十二年考滿實在閣辦事十五年忠勲異常不同應得恩蔭等項着從厚會議來看尋遣司禮監太監張誠賜銀三百兩蟒衣一襲紵線四十表裡羊十隻酒六十瓶鈔十萬貫酒飯五卓鷄十隻鶩五隻猪肉一百五十斤湯五品白麵一百二十斤香油三百二十斤白糖一百斤黑糖一百四十斤蜜二十五斤燭一百對柴三百扛蓮肉二十斤荔枝十斤圓眼十斤膠棗紅棗各二十斤栗子三十斤冬筍二十斤蘇菇香菌花椒胡椒各五斤尋勅諭元輔卿親受先帝遺囑輔朕十年四海昇平四夷平服實賴卿匡弼之功精忠大勲朕言不能述官不能酬茲歷十五年考績特于常典之外賜銀二百兩坐蟒蟒衣各一襲歲加祿米二百石薄示褒眷

先生其欽承之。該吏禮二部。疏上。加上柱國太傅。支伯爵俸。蔭子尚寶司丞。給四代誥命。仍賜勅獎諭。錫宴禮部。疏辭上柱國伯爵俸而已。萬曆五年。張少師聞父喪。上及兩宮賜白金一千五百兩。鈔三萬貫。綵幣三十表裡。白米六十石。麻布百五十疋。餘物稱是大婚後許奔喪。上及慈聖各賜白金五百兩。綵幣八表裡。仁聖白金三百兩。綵幣六表裡。瀕行。賜白銀八寶六十兩。服除。賜白玉帶一條。大紅坐蟒蟒衣各一襲。金執壺一把。金臺盞二副。慈甯賜饌九品。金執壺。金臺盞。金鑲牙筋。白金彩段有差。

賜土官服色

正德中。賜播州宣慰司楊武麒麟衣一襲。陞四川按察使。後以宣慰致仕。復賜麒麟衣一襲。最後賜蟒衣玉帶。以貢物厚故也。賜永順宣慰使致仕彭世麒。大紅蟒衣三襲。陞都指揮使。其子宣慰明輔。大紅飛魚服三襲。給正三品散官誥命。以進大木故也。嘉靖末。復以進大木。賜致仕宣慰彭明輔。蟒衣。進湖廣都指揮使致仕。子宣慰翼南。飛魚衣一襲。進雲南右布政使。正德賜日本使臣宋素卿。大紅飛魚服一襲。中人瑾受其黃金故也。素卿。閩人。至嘉靖中。始以爭貢事論死。

宮室土木之侈

從古驕淫之主。自聲色狗馬外。大都以土木工作之盛。自明得意。璇宮瑤室。往轍方蹟。踵事增華。其尤異者。述異記。闔閭構水晶宮。尤極珍怪。皆出自水府。吳王築姑蘇臺。崇飾土木。宮妓數千人。上別立春霄宮。青龍舟。盛陳妓樂。日與西施為水嬉。吳王于宮中作海靈館。館娃宮。銅溝玉檻。宮之楹檻。珠玉飾之。秦始皇作阿房宮。寫蜀荆地材至關中。役起七十萬人。自雍門以東至涇渭交處。殿屋複道。周閣相屬。象六國宮室。雖一瓦一甍。亦如其式。各書國號。不相雷同。皆布其所得諸侯美女居之。如其國。鐘鼓帷帳。不移而具。漢宮殿阿房宮。前殿東西三里。南北五里。前庭中可受十萬人。車行酒。騎行炙。千人唱。萬人和。一云上可以坐萬人。下可以建五丈旗。關內離宮三百。關外四百餘。未央宮周回二十八里。前殿東西五十丈。深十五丈。高三十五丈。木蘭為椽。椽文杏為梁柱。金鋪玉戶。華榱壁璫。雕楹玉碣。重軒鏤檻。青瑣丹墀。黃金壁帶。間以和氏珍玉。其內殿閣如壽成。萬歲。廣明。椒房。清涼。永延。玉堂。曲臺。白虎等三十二處。建章宮千門萬戶。周迴二十里。鳳凰闕七十五丈。中殿受萬人。有馭娑。杓詣天梁。奇寶等二十六殿。桂宮在未央北。中有明光殿。皆金玉珠璣。為簾箔。處處

明珠翠羽。金殿玉階。晝夜光明。又北宮明光宮。周圍各十餘里。發燕趙美女二千人。充之。率皆十五以上。二十以下。萬有八千人。溫室殿。以椒塗壁。被之文綉。香桂為柱。設火齊屏風。鴻羽帳。規地以薊。賓。邈。武帝起神屋。曰昭陽殿。以白珠為簾。箔。玳瑁。壓之。象牙為幾。風至自鳴。若珩。瑤。前庭植玉樹。以珊瑚為枝。碧玉為葉。又起招仙閣。于甘泉閣西。編翠羽。麟。毫為簾。琉璃為扇。懸黎火齊為床。其上懸浮金。輕玉之磬。成帝。趙皇后居昭陽殿。中庭彤朱。而殿上丹漆。砌皆銅沓。黃金塗白玉階。璧帶。往往為黃金釭。含藍田璧。明珠翠羽飾之。上設九金龍。皆啣九子金鈴。五色流蘇帶。以綠文。紫綬。金銀花鑷。每好風日。蟠。眊。光彩。照曜。一殿鈴鑷之聲。驚動左右。中設木畫屏。風文如蛛絲。玉几玉床。白象牙。篋。綠熊。席。毛長二尺餘。人眠而擁毛自蔽。望之不見。有四玉鎮。達照無瑕。窓扉多是綠琉璃。亦皆達照毛髮。椽桶刻作龍蛇鱗甲。分明見者。競慄。靈帝起裸遊館。宮人年二七以上。三六以下。皆靚粧。解其上衣。惟着內服。或共裸浴。取西域所獻苜蓿香。為湯。餘汁入渠。名曰流香渠。陳后主為潘貴妃作飛仙帳。四面綺綉。窓間畫畫神仙。鑿金銀為書字。靈獸神禽。風雲花炬為之。玩飾。椽桶之間。悉垂鈴珮。塗壁皆以麝香。錦幔珠簾。窮極綺麗。又于光昭殿前起臨春。結綺。望仙三

閣為張貴妃麗華所居。高數十丈。並數十間。窓牖壁帶。懸榻櫺檻。悉以沉檀為之。又飾以金玉。間以珠翠。外施珠簾。內有寶床。瑤帳。每微風暫至。香聞數里。朝日初照。光映后庭。其下積石為山。分水為池。植以奇樹。雜以花藥。並複道交相往來。臨春自居。結綺張貴妃居之。望仙孔貴嬪居之。貴妃常于閣上靚粧臨斜檻。望之飄飄若神仙。石虎于太極前殿起樓。高四十丈。結珠為簾。垂五色玉珮。風至鏗鏘。和鳴清雅。盛夏登高樓。以望四極。奏金石絲竹之樂。於樓下開馬埒射場。周迴四百步。皆文石丹砂。以及彩畫。於埒傍聚錢貝珠玉之寶。以賞百戲之人。四廂置錦幔。屋柱皆隱起為龍鳳百獸之形。雕斲眾寶。以飾楹柱。夜往往有光明樓。上春雜寶異香屑。使數百人於樓吹散之名曰芳塵。臺上有銅龍。容數百斛酒。使人嗽酒。風至望之如霧。名曰粘雨臺。又為四時浴室。用礪石砥砭為堤岸。琥珀為餅杓。夏則引渠水為池。池中紗縠為囊。盛百寶雜香。漬于水中。嚴水之時。作銅屈龍數千枚。各重數十斤。燒如火色。則水恒溫。名曰焦龍溫池。引鳳文錦步障。紫葢浴所。解媠服。宴戲彌日夜。名曰清嬉浴室。浴罷洩水于宮外。水流之所。名溫香渠。隋煬帝營造宮室。近山無大木。皆致之遠方。二千人曳一柱。以水為輪。則憂磨火出。乃鑄鐵為轂。行一二里。轂輒破。因使數百人費鼓

隨之一柱之費用數十萬。造觀文殿前兩廂為書堂各十二。

每一間十二寶厨。前設五香重牀。若以金玉春夏鋪九華象簟。秋設鳳綾花褥。冬則加以綿。若須彌氈。帝幸書堂或觀書。其十二間內通為閃電窓。玲瓏相望。雕刻之工窮奇極妙。金鋪石題。綺井華椽。輝映溢目。每三間開一方戶。戶垂錦幔。上有二飛仙當戶。地口施機。輦駕將至。則有宮人擎香爐在輦前。口去戶一丈。脚踏機發。仙人乃下閣捧幔而升。閣扇即開。書厨亦啟。若自然。皆一機之力。輦駕出垂閉復常。又築西苑周三百里內為海。周十餘里。為方丈蓬萊瀛洲諸山。高出水百餘尺。臺觀宮殿羅絡山上。向背如神。北有龍鱗渠。縈紆流注海內。緣渠十六院。一景明。二迎暉。三棲鸞。四晨光。五明霞。六翠華。七文安。八積珍。九影紋。十儀鳳。十一仁智。十二清修。十三寶林。十四和明。十五綺陰。十六降湯。院有二十八人。皆擇佳麗美人實之。院門皆臨渠。每院以四品夫人主之。宮樹秋冬凋謝。則剪彩為花葉。綴于枝條。色渝則易以新者。沼內亦剪彩為荷菱芡。乘輿臨幸。十六院競以葭蓋精爽相高。求恩市寵。上好以月夜從宮女數千騎游西苑。作清夜遊曲。于馬上奏之。苑中鑿五湖。每湖方四十里。東曰翠光湖。西曰金光湖。北曰淳水湖。南曰迎湖。中曰廣明湖。上御龍舟。蕭后鳳舸。

錦帆彩纜窮極侈靡舟架舞臺臺上垂蔽日珠簾簾即蒲澤國所貢以負山蛟曉綉蓮根絲貫小珠編成雖曉日激射而光不能透每舟擇妙麗女子千人執彤板鏤金楫。璇殿脚女。又晚年得浙人項昇能構宮室認有司供具材木經歲而成樓閣上下軒窓掩映幽房曲室玉檻朱櫺互相連屬千門萬戶炫燿金碧壁砌生光瑣窓射日帟藏為之一空。帝大喜顧左右曰使真仙遊其中亦自迷也。又目之曰迷樓。上建四寶帳一名散春愁二名醉志歸三名夜酣香四名延秋月。裝奩寢衣帳皆具。殿前香山數十。每一山梵沉香數車沃以甲煎香聞數十里。計每夜用沉香二百餘車。甲煎百餘石。房中不然燈燭懸寶珠一百二十照之。李儼妹冊為貴妃居東華宮皆以珊瑚為椀椀琉璃為櫺瓦檀楠為梁棟真珠為簾幙範金為柱礎宮中供匠作者萬人則天長壽三年徵天下銅五十餘萬斤鐵一百三十餘萬斤錢二千七百貫于寶鼎門鑄八稜銅柱高九十尺徑一丈三尺題曰大周萬國述德天樞下置鐵山銅龍負載獅子麒麟圍繞上施雲蓋蓋上施盤龍以抵火珠珠高一丈圍三丈金彩瑩煌光侔日月。唐天寶六載更溫泉曰華清宮。新廣一池文瑤密砌製度宏麗祿山于范陽以玉魚龍鳧鴈石梁石蓮花以獻雕鎬尤妙。上命陳于湯中石梁橫水蓮花繞出水

上魚鳧鴈狀若飛動。宮中有端正樓。卽妃梳粧之所。上與妃日施鈿鏤戲玩其間。宮中退水于金溝。其中珠纓寶絡流出街渠。貧民皆有所得。自奉御湯外更有長湯十六所。嬪御之屬浴焉。玄宗起涼殿。召對陳知節。時暑毒方盛。座后水激扇車。風獵衣襟。陰雷沉吟。仰不見日。四除積水成山。簾水飛灑。坐內含凍。賜水屑飲。體生寒粟。默記載伐江南。大將獲李后主寵姬。夜見燈輒閉目。曰。烟氣易以蠟燭。亦閉目云。烟氣愈甚。曰。然則宮中未嘗點燭耶。云。宮中本闕。每至夜則懸一大寶珠。光照一室。如日中也。廣府劉龔。晚年亦事奢靡。作南熏殿。柱皆透明鏤刻。礎石各置爐然香。故有氣無形。上謂左右。煬帝論車燒沉水。却成粗俗。爭似二十四個藏用仙人。齊東昏戾置射堆場。三百九十六處。翳中帷帳及步障。皆給以紅綠金銀鏤絮牙瑇瑁帖箭。宋禁中避暑。多御復古選德等殿。及翠寒堂。納涼。長松修竹。濃陰蔽日。層巒奇岫。靜砌繁深。寒瀑飛流。下注大池。可十餘畝。池中紅白菖蒲萬柄。又置茉莉素馨。冷蘭麝香木瑾玉桂紅蕉。闍婆薩等。南花數百盆于廣庭。鼓以風輪。清風滿座。御舟兩旁各金盤數十。積雪如山。紗厨後先。皆挂伽蘭木栴蠟龍涎等香珠百餘。蔗漿金盃珍果玉俎。不知人間有塵暑也。宋自真宗以符瑞大興土木。玉清昭應之建。丁謂為修宮使。凡

役工日至三四萬。所有秦隴岐同之松。嵐流汾陰之栢。潭衡道永鼎吉之椶。枿檐温吉衢吉之檇。永豐處之槻。樟潭柳明越之杉。節淄之青石。衡州之碧石。萊州之白石。絳州之班石。吳越之奇石。洛水之石卵。宜聖庫之銀朱。桂州之丹砂。河南之赭土。衢州之朱土。梓信之石青。石綠。磁相之黛。秦階之雌黃。廣州之藤黃。孟澤之槐華。虢州之鉛丹。信州之土黃。河南之胡粉。衛州之堊。鄆州之蚌粉。充澤之墨。歸歛之漆。萊蕪與國之鐵。皆遣所在官取以給用。宮成。總二千六百一十區。政和間。蔡京作延福宮。有穆清睿謨崑玉羣玉等七殿。東有蕙馥報瓊春錦翠葆等十五閣。西有雲香瑤碧鉛華絳雲等十五閣。又疊石為山。鑿池為海。鶴莊鹿咭。孔翠諸榭。蹄尾以數千計。其后復營萬歲山。艮嶽山。命宦者梁師成董其事。有朱勔者。取浙中珍異花木竹石以進。曰花石綱。置應奉局于平江。所費動以億萬計。舟楫相繼。日夜不絕。廣濟四指揮。盡以充艱士。猶不給。大率設洞庭湖口絲溪仇池之深淵。與泗濱林慮靈璧芙蓉之諸山。最為奇特異瑤琨之石。即姑蘇武林明越之壤。荆楚江湘南粵之野。移枇杷橙柚橘柑柳栝荔支之木。金蛾玉羞虎耳鳳尾素馨渠那茉莉含笑之草。生長于雕欄曲檻。岡連阜屬。前后相續。大石林立。僅百餘株。獨神運一峯。高九十尺。廣百圍。錫爵盤固。

房其餘石棋列星置其畧有朝日昇龍望雲坐龍矯首玉龍萬壽老松堆青凝碧金
鰲玉龜風門雷穴諸名又有二大石配神運峯冥于寰春堂者曰玉京獨秀太平岩
冥于綠萼華堂者曰卿雲萬態奇峯又有藏烟谷滴翠岩搏雲屏積雪嶺其間飛樓
傑觀雄偉環麗憑險則設磴道飛空則架棧閣有承嵐昆雲之亭紫石岩祈真磴攬
秀軒龍吟堂絳霄樓藥寮西莊由龍淵濯龍峽倚翠樓海渚亭雲浪沼排衙石景龍
江躡雲臺消閒館飛岑亭萬松嶺瀑布屏海棠川瓊津殿漾春波桃花開諸勝總名
曰華陽宮四面周匝若在重山大壑深谷幽巖之底不知京邑空曠坦蕩又不知郭
郭寰會紛萃而填委也山禽水鳥凡十餘萬丘壑林塘儼若畫本元祖肇建內殿制
度精巧題頭刻螭形以檀香為之螭頭向外口中銜珠下垂珠皆五色用絳金絲貫
串負柱融滾霞砂為狻猊置目張牙有欲動之狀瓦滑琉璃與天一色朱砂塗壁紅重
胭脂彤棹華椀金桶雕榭務窮一時之麗殿上設水精簾塔珠龜文繞以曲檻檻與
塔皆白玉石為之太陽東升殿中燦爛塔更飛輝古謂天子有金殿玉墀名不虛也
又有紫檀殿以紫檀香出為之光天玉德七寶瑤光通雲凝翠廣寒等殿不可一一
數也大內又有德壽興聖翠華擇勝等宮又連天樓紅鸞殿入霄殿五花殿東設吐

霓屏曰玉華。西設七星雲板曰金華。南設火齊屏風曰珠華。北設百藥龍脉曰木華。并中央木蓮花紫香木座千鈞案九朵雲蓋為五華。元順帝又乘龍舟。泛月池。上池起浮橋三處。每處分三洞。洞上結彩為飛樓。樓上置女樂橋。以木為質。飾以錦綉。九洞不相直達。龍泉井。瑪瑙石為井牀。雨花臺石為井漱。香檀為蓋。離朱錦為索。雲母石為汲瓶。又九龍墀。龍形九曲。金髻玉鱗。繞羅亭。紅梅百株。延香亭。春時官人各折花傳杯于此。拱壁亭。六壁旋拱。中置夜光珠一顆。每夜燦若白晝。光燭數十步。集寶室。凡遠夷貢獻上古所遺器物。一皆貯之。每遇上巳日。令諸嬪妃。掖于內園。迎祥亭。漾碧池。池用紋石為質。以寶石鏤成奇花繁葉。雜砌其間。上置紫雲九華龍蓋。四面施幃。幃皆蜀錦為之。跨池三橋。橋上結錦為亭。中扁集鸞。左扁凝霞。右扁承霄。三亭雁行相望。又設一橋。接乎三橋之上。掖畢則宴飲其中。謂之爽心宴。池旁有潭曰香水。積香水以注池中。又置溫玉狻猊。白晶鹿。紅石馬等物。嬪妃浴澡之餘。則騎以為戲。惟戈小娥體白而紅。着水如桃花。含露愈爭妍美。帝曰。此天桃女也。因呼為賽桃夫人。

附錄。自漢以來。帝王妃妾之多。惟漢靈帝。吳歸命侯。晉武帝。宋蒼梧王。齊東昏陳。

后主晉武。至于萬人。唐明皇三千人。杜子美詩。先帝用女八千人。新唐書。開元天寶中。宮女至四萬人。

自奉之侈

史稱窮奢極欲者。范蠡相越。日致千金。家僮閹。纂術者萬人。收四海難得之貨。積如山阜。或藏之井。塹謂之寶井。奇容麗色。溢于閨房。謂之遊宮。糜竺用陶朱之術。質擬王侯。有寶庫千間。大珠如卵。散滿于庭。謂之寶庭。霍光園中。鑿一大池。植五色睡蓮。養鴛鴦三十六對。望之若被錦。梁孝王好宮室園囿之樂。作曜華宮。營兔園。園中有百靈山。山上有膚寸石。棲龍岫。落猿岩。又有雁沼。沼中有鷺洲。鳧渚。其諸宮觀相連。亘數十里。奇果異樹。珍禽怪獸。畢有五侯羣弟。爭為奢侈。賂遺珍寶。四面而至。羅鍾磬。舞鄭女。作倡優狗馬。大治第舍。起土山。漸臺。洞門。高廊。閣道。連屬相望。郭況起高閣。以量金玉。錯雜寶以飾臺榭。懸明珠。四垂。畫望之如星。夜望之如月。累金數億。家僮四百人。以金為器皿。其內寵則玉盤盛食。東京謂為瓊厨。金窟。董偃卧延清之室。以畫石為床。上設火齊屏風。紫琉璃帳。設靈麻之燭。以紫玉為盤。用雜寶飾之。侍者于戶外扇。偃偃曰。玉石豈須扇。而後涼耶。又以玉精為盤。貯水膝前。玉精于塗。國所

獻也。梁莫大起第舍。妻孫壽亦對街為宅。殫極土木。互相誇競。堂寢皆有陰陽奧室。連房洞戶。柱壁雕鏤。加以銅漆窓牖。皆有綺疏青鎖。晷以雲氣仙靈。臺閣周通。更相臨望。飛梁石磴。陵跨水道。金玉珠璣。異方珍怪。充積私室。遠致汗血名馬。又廣開園圃。採土築山。十里九坂。以象二嶠。深林絕澗。有若自然。奇禽馴獸。飛走其間。翼壽共乘輦。青蓋車。張羽葆。飾以金銀琥珀。每游觀第內。多從倡伎。鳴鐘吹管。酣謳竟路。或連繼日夜。以為歡娛。石崇貲重累巨萬。宮室輿馬。僭擬王者。砌上就苔蘚刻百花飾。以金玉。後房美艷千餘人。皆曳紈綺。珥金翠。絲竹極當時之選。庖膳窮水陸之珍。于婢妾中。常擇其姿容相類者十餘人。裝飾衣服大小一等。調四方玉。付工為倒龍之珮。縈金為鳳冠之釵。結紳繞前而舞。彼有召者。不呼姓名。悉聽珮聲。視釵色。各含異香。使行而笑語。則口氣從風而颺。又屑沉水香末布象牀上。使所愛踐之。無跡者。即賜珍珠百琲。又與貴戚羊琇之徒。以奢靡相尚。愷以裕澳。奎崇以蠟代薪。愷作紫絲布障。碧綾裏四十里。崇作錦步障五十里。以敵之。崇塗壁以椒。愷塗壁用赤石脂。爭豪如此。武帝助愷。嘗以珊瑚樹賜之。高二尺許。枝柯扶疎。示崇。崇以鐵如意擊之。應手而碎。乃命左右悉取珊瑚樹。有高三四尺者。六七株。條幹絕俗。光耀如日。外國有

進火浣布者。武帝製為衫衣之。幸崇第。崇知之。身故常衣。而令從奴五十人。皆衣火浣衫。以迎帝。宋阮佃夫宅。舍園池。諸王邸第。莫及。女妓數十。藝貌冠絕。當時金玉錦綉之飾。宮掖不逮。常作數十饌。以待賓客。徐君倩幼聰朗好學。尤長于部書。書問無不對。善絃歌。為湘東王詔議。頗好聲色。侍妾數十。皆珮金翠。曳羅綺。服玩悉以金銀。有時載伎。肆意遊行。荆楚山川。靡不畢踐。梁蕭宏後庭數十百人。皆極天下之選。所幸江無畏。器服珍異。侔于東昏。潘妃寶牒直千萬。羊侃在衡州。于兩艦間。起三間通梁水齋。飾以珠玉。加之錦繡。盛設帷屏。列女樂。乘潮解纜。觀者填溢。嘗宴北使陽斐。賓客三百餘人。食器皆金玉雜寶。奏三部女樂。及夕。侍婢百餘人。俱執金花燭。晉武帝嘗降王武子婢百餘人。皆綾羅袴裙。手擎飲食。魚弘侍妾百餘。不勝金翠服。翫車馬冠絕一時。有眠床一張。皆是覺栢。四面周匝。無有一異。用銀鏤金花壽福兩重為脚。嘗語人曰。我為郡有四盡。水中魚鱉盡。山中麋鹿盡。田中米穀盡。村中人庶盡。部曲數百。悉衣錦袍。赫奕滿道。梁清河王繹第宅之大。踰于高陽。西北有樓。樓下有儒林館。退賓堂。上山釣臺。冠于當世。斜峯入牖。曲沼環堂。樹響飛嚶。堦叢花藥。繹愛賓客。重文藻。至于清晨。明景騎望南台。芳醴盈壘。佳賓滿席。使梁王媿兔園之游。陳思

慚雀臺之讎。高陽王元雍居第匹于帝宮。白壁丹楹。窈窕連雲。僮奴六千。妓女五百。隋珠照日。羅衣從風。出則鳴騶御道。文物成行。鏡吹響發。笳聲宛轉。入則歌姬舞女。擊筑吹笙。絲管迭奏。連宵盡日。厚自奉養。必以數萬錢為限。時河間王瑒欲敵之。造文栢堂。徽音殿。置玉井金礦。以五色絲為繩。造迎風館于后園。窓戶之上。列錢青瑣。玉鳳銜鈴。金龍吐珮。素奈朱李。枝條入雲。伎女樓上坐而摘食。妓女三百。盡皆殊色。求西域千里馬。其次七百里者十餘匹。皆有名字。以銀為槽。金為環鎖。嘗會諸王。陳諸寶器。金甌銀甕百餘口。甌擊盤盒稱是。餘器有水晶鉢。瑪瑙琉璃盃。赤王卮數十枚。工作奇妙。又陳女樂及諸名馬。復引諸王案行府庫。錦罽珠璣。水紈霧縠。充牣其內。謂人曰。不恨我不見石崇。恨石崇不見我。河陰之役。諸王殲盡。王侯第宅多題為寺。壽丘里閭。列剎相望。祇洹構起。寶塔高陵。四月初八日。京師士女多至河間寺。觀其廟廡。綺麗無不歎息。以為蓬萊仙室。亦不是過。入其後園。見溝瀆蹇產。石磴礁嶢。朱荷出池。綠萍浮水。飛梁跨閣。奇樓出雲。咸皆唧唧。雖梁王菟苑。想之不如也。楊素後庭伎妾。曳綺羅者以千數。第宅奢侈。借擬宮禁。秦王楊俊為妃。作七寶羃羅車。不可載。以馬負之而行。又為水殿。香粉塗壁。玉砌金階。梁柱棖棟之間。周以明鏡。間以

寶珠。極瑩飾之美。與賓客妓女絃歌其上。張易之為母阿臧。造七寶帳。鋪象牙床。織犀角葦。麗貂褥。蛩蟲氈。汾晉龍犀。臨河鳳翽。為席。郭從義鎮河陽。于洛中建大第。以香栢為棟。文梓為梁。文石甃池。無不具備。費白金五千錠。王元寶嘗以金銀壘為屋。壁以紅泥。泥之別置禮賢堂。以沉香為軒檻。鑲鐵甃地面。錦文石為柱礎。又以銅絲穿錢。甃于后圃花徑中。泥雨不滑。人呼為王氏富窟。又起高閣。以銀鏤三稜屏風。代籬落。密置香槽。自花鏤中出。號含薰閣。又于寢帳中置二玉人。捧七寶香爐。自冥焚香。達旦。西京懷寶坊富商鄒鳳熾。園宅遍滿。金寶不可勝計。家男女婢僕。錦衣玉食。一時驚異。嘗因嫁女。邀諸朝士。往臨禮席。賓客數千。供帳備極華麗。及女郎將出。侍婢圍遶。綺羅珠翠。金釵曳履。尤艷麗者。至數百人。眾皆愕然。不知誰是新婦矣。宗楚客造一宅。皆是文栢。純帖沉香。和紅粉泥壁。文石為墻砌。許敬宗嘗造飛樓七十間。令妓女走馬其上。以為戲樂。安樂公主造定昆池。四十九里。累石為山。以象華岳。引水為澗。以象天津。飛欄步檐。斜橋磴道。衣以錦繡。畫以丹青。飾以金銀。瑩以珠寶。又為九曲流盃池。石作蓮花臺。泉于臺湧出。窮天下之壯麗。楊國忠諸姨弟五家聯巨。治錦繡琢金玉者。大抵千人。變化若神仙。為一犢車。飾以金翠。間以珠玉。一車之費。

不啻數十萬貫。于是統購名馬，以黃金為勒銜，組繡為障泥。每帝幸華清宮，五家隊合，烟若萬花，川谷成錦，繡遺鈿隆焉。瑟瑟珠翠，狼籍于道，香聞數十里。虢國每入禁中，常乘驄馬，使小黃門控紫驄之俊健，黃門之端秀，皆冠絕一時。宅中沉香亭，禁中遠不逮。虹霓屏風，彫刻前代美人形，服玩衣服，皆眾寶雜砌。水精為地，外以玳瑁水犀為柙，絡以珍珠瑟瑟，非人力所製。又嘗以沉香為閣，檀香為檻，麝香乳香和泥為壁。每于春時，牡丹盛開，登閣以賞，謂之四香亭。冬日用炭屑，捏成雙鳳，焰于爐中，以白檀鋪底，香藹一室。韋陟性奢縱，喜飾服馬，侍兒閹童，列左右，嘗數十。愈于王宮主第，窮治饌羞，厨中所棄，不減萬錢。宴公侯家，雖水陸具陳，曾不下筯。嘗以五采牋為書記，侍婢主之，其裁答授意而已。同昌公主出降，罄內庫寶貨以實其宅，房櫳戶牖，無不以眾寶飾之。夜則以紅琉璃盤，盛夜光珠，立堂中，光如白晝。更以金銀為井欄，藥臼，食櫃，水槽之屬，製水精火齊琉璃玳瑁等床，悉支以金龜銀塹。更琢五色玉為器，合百寶為圖案，更賜金麥銀粟數斛。室中設連珠之帳，續真珠以成，却寒簾，類玳瑁。班紫色，却寒鳥骨所為也。更有鷓鴣枕，翡翠匣，神絲被，綉三千鴛鴦，間以奇花異卉，上綴靈粟之珠，珠如粟粒，五色輝煥。更有罽毼屏，如意玉瑟瑟幕，紋布巾，火蠶綿。

九玉釵其幕色如瑟瑟。潤三丈長一百尺。輕明虛薄。無以為比。雖大雨不濕。云絞水
瑞香膏所塗也。紋布巾潔白如玉。拭水不濡。火蠶綿絮衣一襲。用之一兩。過度則炎
煇不可近。公主乘七寶步輦。四面綴五色玉香囊。囊中貯辟邪香。瑞鱗香。金鳳香。仍
雜以龍腦香屑。鏤水晶瑪瑙辟塵犀。為龍鳳花。金絲為流蘇。輕玉為浮動。每一出遊。
所過芬馥。文宗韓宰相王涯。奢豪庭穿一井。金玉為欄。天下寶玉真珠。悉投于中。汲
其水以供飲。元載肅宗代宗兩朝。宰相貴盛無比。嘗因晴宵日景。曝晒衣服。以青紫
絳四十條。三十丈。皆施羅綺錦綉。每條絛下金銀爐二十枚。異香薰之。芸輝堂于闐
香芸潔白如玉屑。以塗壁。沉檀為梁棟。金銀為戶牖。中設虹霓屏。風紫綃帳。輕疎而
薄。風不能透。冬溫夏涼。其屏風本楊國之寶。刻前代美人妓樂形。以玳瑁水犀為押
絡。以真珠瑟瑟。有龍髻紫拂。色如爛椹。削水精為柄。刻紅玉為環紐。所幸薛瑤英。肌
體自香。處金絲帳。却塵褥。褥出自句驪國。其色鮮妍無比。衣龍綃之衣。一衣無一兩。
搏之不盈一握。杜亞為淮南競渡採蓮舟。錦纜綉帆之戲。費金數十萬。李堯及第。俯
逼起居宴。霖雨不止。因遣賃油幕。以張之。堯舊居兵平里。凡用錢七百緡。自所居連
亘通衢。參御輦。不啻千人。羈馬乘輿。填咽門巷。往來無有濡濡者。而金壁照耀。別有

佳致于頔為襄州日點山燈一上油二千石李昌夔在荊州大憺大修裝具其夫人獨孤氏亦出女騎一千皆著紅繡襖錦鞍鞞鳳靴銀鐙魚朝恩有洞房四壁夾安琉璃板中貯江水及萍藻諸色魚蝦虢魚藻洞張崇師廣酷于聚斂從者數千人出遇雨雪皆頂蓮花帽琥珀衫所費油絹不知紀極市人稱曰雨仙王黼居相位當全盛時最極富貴于室置一榻以金玉為屏翠綺為帳圍以小榻擇美姬處之名曰擁帳平原郡王家翠堂七楹全以石青為飾為諸姬教習聲伎之所一時伶官樂師皆梨園國工吹彈舞拍各有總之者只笙一部已是二十餘人張鑑宴客牡丹會既集坐一虛堂寂無所有俄問左右云香發未答云已發命卷簾則異香自內出郁然滿坐羣妓以酒般絲竹次第而至別有名伎數十首戴牡丹衣領皆繡如其色歌昔人所作牡丹詞進酌而退前後花與伎凡十易杯器皆如其色酒竟歌者舞者數百人列行送客燭光香霧歌吹雜作恍然若仙游元燕帖木兒奢侈無度嘗屠百羊以合寮吏又于第中起水精亭亭四壁以水晶鏤空貯水養五色魚剪彩為白蘋紅蓼等花置水上壁內外置琥珀欄杆鏤以八寶奇石洞房設樓床廣褥擇美姬温軟少骨者枕藉而寢謂之香肌席脂紅粉白羅列左右隨其所取以為花嬉玉樂李時可通儻

善結客。客曰：楊維禎挾四青衣，浮江過其家，時可訪之舟中。舟中之器，黃金犀昆相半也。宴客櫻桃下，瑪瑙作埒，紅氍毹覆之。三數麗人行酒，並絕代。以赤玉椀盛脯，白玉斗盛漿，皆盈尺。維禎為色動，后賞蓮花水精為食牀，空其中，置金鱗翠藻食器，皆南越秘色磁，其豪侈如此。國朝王文恪于大理寺副延詰，性豪奢，治大第，多蓄伎妾子女，斥置珠玉寶玩，古尊碧窰器，法書名畫，價值數萬，嘗以元夕宴客，客席必懸珍珠燈，飲皆古玉杯，恒醉歸，肩輿至門，門啟則健婦昇之，后堂坐定，羣妾并而盛服者二十餘，列坐其側，各挾二侍女，約髮以珠琲，羣飲至醉，有所屬意，則憑其肩，聲樂前引入室，復酣飲，乃寢。晚年益豪奢，自喜寵姬數十人，人設一院，左右鱗次而居。院設一竿，夜則懸紗燈其上，照耀如晝。每夜設宴，老夫婦居中，諸姬列坐，女樂獻伎，諸姬以次上壽，爵三行，樂闋，夫人避席去，乃與諸姬縱飲為樂。最后出白玉卮進酒，此卮瑩潔無瑕，製極精巧，云是漢物，寶惜不輕及人。惟是夜所屬意者，則酌以賜焉。婢視卮到處，預報本院，院婢卮榼溫酒以侍。房者掌燈來迎，諸姬擁入院，始散去。餘紗燈皆熄，惟本院存。各院望見竿燈未息，知尚私飲未寢，嘖嘖相羨嘆。錢塘女伎至多，可數百人。胡少保開府日，值守令迎春，設宴江館，選妓女二百侍飲，每十人則以一佳

者領之。使捧酒。爰樂器之屬。不設几案。亦無他執役者。浮白歌呼。日已曛。張燈火數里。鼓吹絲竹。振天。女伎夾道。跪送傳呼不絕。嚴分宜子僕。皆用蜀錦織成小片。以為婦人天葵之用。虎子以七寶鉗金為之。又用金銀鑄婦人而空其中。粉面彩衣。以陰受溺。大同僉事某。餽以人雙陸。飾女童三十人。分紅白綉衣二色。織紫絳。罰為局。每對直當食子。則應移女子。抱當食者出局。其唾吐皆美味。以口承之。方發聲。婢口已巧就。謂之香唾盃。張教生于富家。才高不售。乃以聲妓自娛。所居文起堂。弘廡壯麗。每上元試燈。大開重門。自內及外。皆設彩燈。圍屏門對。皆以燈為之。鼓吹不絕。游人或携酒。敲挈美人而往。輒擇便就坐。歌笑各適。不問主人。如曲江金明池公所。往來無禁焉。

附宛委餘編。秦皇為巴寡婦築女懷清臺。又令猗頓得朝。見比封君。卓王孫有綠熊皮百雙。漢武令進二十雙。至唐明皇。見南山白龍。問左右。俱不見。獨王元寶見之。以至富與至貴。敵也。又鄒駱駝。謂明皇請以南山一樹。挂臣一練。山樹有盡。臣練無窮。又黃巢亂。後修宮闕。有商兒王酒胡。助錢三十萬貫。後修安國寺。上幸之。為擊十杵。施錢萬緡。王酒胡乘醉入。連撞百杵。徑輦十萬緡。冥寺而去。一布衣乃

敢與人主酬酢遂相雄長

以貴而富

以貴而富其最著者秦魏冉呂不韋楚黃歇漢霍光張安世張禹王鳳等五侯董賢
梁冀董卓曹騰等魏曹洪晉石崇王愷王濟徐湛之阮佃夫梁蕭宏朱异羊侃北魏
元禧元雍元琛元融李崇隋楊素唐裴寂李林甫楊國忠郭子儀韋宙裴冕元載李
德裕王涯楊收吳越孫承佑蜀李昊宋蔡京梁師成韓世忠張浚楊沂中史彌遠韓
侂胄賈似道元燕帖木兒伯顏朱清張瑄其無識者僅郭汾陽韓蘄王耳若能自力
致富者陶朱公白圭猗頓巴寡婦臨卽卓王孫程鄭宣曲任氏茂陵衣廣漢平陵士
孫億東海糜竺平邑王氏洛陽劉寶長安王元寶王酒胡鄒鳳熾即鄒駱駝及勝國
倪瓚顧瑛沈萬三皆著在史傳甚詳

僮奴之多者卓王孫家僮千餘人程鄭折國石崇俱八百人袁廣漢九百人王氏
五侯刁逵楊素各數千人高陽王六千人郭汾陽三千人呂不韋竺康萬人逵田
萬頃素馬萬疋

權貴侯王富

梁冀父子擅權垂二十年。貪聚無極。而斥賣家財三十餘萬萬。董賢之幸。不過三年耳。而斥賣家財至四十三萬萬。賢不聞納賄。蓋傾府庫以益之也。梁武帝幸臨川王宏第。錢千萬一庫。懸一紫標。凡三十間。僅三萬萬。而梁時錢薄小。不能三分之一。其他布絹上綿漆蜜紵蠟朱砂雜貨。積亦梁董之亞矣。梁孝王薨時。餘黃金四十萬斤。吳王濞金錢布滿天下。于時黃金多。而王侯巨富乃爾。王弇州曰。嚴世蕃每積貲滿百萬。輒置酒一高會。凡四高會矣。而乾沒不止。常與所厚善。屈指天下富家居首等者十七家。已與蜀王黔公。太監高忠黃錦。及成公魏公。陸都督炳。又京師有張二錦衣者。太監永之姪也。山西三姓。徽州二姓。與土官貴州安宣慰。積貲滿五十萬以上。方居首等。雖滌陽史恭甫最有聲。僅得二等之首。前是無錫有鄒望者。將百萬安國者。過五十萬。今吳興董尚書家過百萬。嘉興項氏將百萬。項之金銀古玩。實勝董田宅典庫。貲產不如耳。大璫馮保張宏家貲。皆直二百萬之上。武清李侯當亦過百萬矣。

恩賞之侈

漢世賞功。如漢文帝即位。賜太尉勃黃金五千斤。丞相平。將軍嬰。各二千金。朱虛侯

章襄平侯通典謁揭各千斤。宣帝即位。大將軍光黃金七千斤。錢六十萬。雜繒三萬。足奴婢百七十人。馬二千疋。甲第一區。又董賢自得幸。旬日間。拜侍中。賞賜累鉅萬。封侯。遂進大司馬。拜女弟為昭儀。位次皇后。妻得通藉。殿中止賢廬。賞賜各千萬數。父恭自少府拜衛尉。賜爵關內侯。妻父為將作大匠。弟寬信為執金吾。詔將作起第。北闕下。重殿洞門。木土之工窮極伎巧。柱檻衣以絳錦。武庫禁兵。尚方珍寶。選物上品。盡在董氏。而乘輿所服。乃其副也。及至東園。祕器珠襦玉押。皆豫以賜賢。無不備具。又令將作為賢起塋冢義陵旁。內為使房。剛栢題湊。外為微道。周亘數里。門闕眾。憲甚盛。楊素初破齊。賜奴婢粟帛雜畜。拜信州。賜錢百萬。錦千段。馬二百疋。破陳賜絲物萬段。粟萬石。加以金寶。又賜陳主妹及女妓十四人。破吳寇。賜絲物三千段。江南定。賜黃金四十斤。銀鉢一。實以金錢。縑三千段。馬二百疋。羊二千口。公田百頃。宅一區。仁壽宮成。賜錢百萬。綵絹三千段。討突厥。賜絲物二千段。黃金百斤。突厥破。賜縑二萬疋。萬釘寶帶。遷左僕射。賜良馬百疋。牝馬二百疋。奴婢百口。山陵成。賜絲物萬段。田三十頃。米萬石。金鉢一。實以金。銀鉢一。實以珠。併綾錦五百疋。賜射手。賜金精盤。價值鉅萬。破漢王諒。賜絲物五萬段。綺羅千疋。諒伎妾二十人。從幸東京。賜甲

第一區物二千段。家世舊聞。林靈素賜號藥珠殿侍晨。金門羽客通真達靈先生。上刻玉為降真召靈之寶。自用之。而錫靈素塗金印。文曰通真達靈之印。班冠執政。錫賚至不可計。嘉靖前後。賜真人陶仲文銀十餘萬兩。大紅金絲織蟒龍斗牛雲鶴麒麟飛魚孔雀段羅絹紗。無慮數百襲。獅蠻玉帶。白玉帶。五圍金帶。一圍玉印。二已上恩賞之侈。他所罕儼。其次則洪武中。秦晉燕諸王北征有功。晉燕二府。賜鈔各一百萬錠。楚王征雲南。阿魯禿等處。賜馬三千疋。黃牛二千頭。麂牛一千頭。羊九千隻。永樂賞谷王穗。金川門功。樂七奏。衛士三百。金銀大劍。金三百兩。銀三千兩。鈔三萬錠。綵幣三百疋。良馬二匹。金龍鞍轡二副。又馬二十四疋。金鞍二副。銀五百兩。鈔四萬六千錠。錦十疋。紵絲綾羅各六十疋。絹百九十疋。又銀千兩。鈔三萬錠。袍衣三襲。絹五百疋。白兜羅錦一條。西洋布三十疋。檀香三十斤。降真香五百斤。胡椒蘇木各千斤。良馬十疋。羊百羴。酒五百瓶。椰子三百。火者百人。賞蜀王椿發谷府反謀功。黃金二百兩。銀千兩。鈔四萬錠。玉帶一。金織袞龍紵絲紗羅衣九襲。紵絲紗羅各五十疋。絨錦十疋。絲絹千疋。兜羅錦十條。高麗布一百疋。白米千石。胡椒千斤。良馬十疋。金鞍二副。文銀四千五百兩。鈔十萬錠。米萬石。紵絲五百疋。紗羅各二百五十疋。絹

壹千疋。麀羅錦六十條。蘇木五千斤。胡椒三千斤。珍珠一百九十二兩。馬一百五疋。金鞍一副。火者百人。雖取燕都定中原之賞。不能望萬一也。

賜黃金

漢賞賜多用黃金。晉賞賜多用絹帛。各因其時所有耳。漢初以黃金四萬斤與陳平。間楚。周勃賜五千金。霍光前後所賜七千斤。廣陵王前後五千斤。武帝時。衛青北擊胡。斬捕首虜之士。前後賜黃金二十餘萬斤。丞相平。將軍嬰。各二千斤。朱虛侯章。襄平侯通。典謁揭。各千金。昭帝賜蔡義。元帝賜孔霸。成帝賜許嘉。各二百斤。成帝賜王根。哀帝賜王莽。各五百斤。昌邑王賜侍中。君卿千斤。他如黃霸。尹翁歸等。動與百斤。梁孝王臨死。府庫尚有黃金四十餘萬斤。吳國懸賞斬大將者。黃金五十斤。高帝賜太子家令。叔孫通。各黃金五百斤。王莽敗后。省中黃金萬斤。為一櫃。尚餘六十櫃。積六十萬斤。董卓積金成塢。又漢制。天子聘后。輒用黃金三萬斤。王莽徵杜陵史氏女。為后。聘以黃金三萬斤。當是時。黃金多也。晉時賞賜絹布。如阮瞻二千疋。溫嶠度亮。荀崧。楊珧等。皆至五千疋。周復。唐瑯琊王伸等。皆六千疋。王渾。杜預等。皆八千疋。賈充。前後至九千疋。王濬。張華。何舉等。皆至萬疋。王導。前後近二萬疋。桓溫。前後近三

十萬疋。蘇峻之亂。臺城煨燼時。尚有布二十萬疋。絹數萬疋。國朝黃金不以賞功。而洪武中以獲寶功。賞百戶池裕黃金一百兩。總旗施文等。各黃金一百兩。併銀幣。以平九溪諸洞。賜靖康侯葉昇黃金二百兩。銀三千兩。正統中。三殿殿完。賞太監阮安曾保各金五十兩。景泰中。參將楊俊。獲喜甯功。并總兵朱謙。各賞三十兩。又加俊二十兩。又以立東宮。賞大學士陳循。高穀。江淵。蕭鎡。商輅。各黃金五十兩。賜黃金凡五

見

王弼州曰。按志黃金方寸為斤。又云一斤即一金也。四兩為一斤。又云一斤十六兩。愚謂漢書明有賜千金。及賜金千斤之異。則一金當為四兩。而一斤為十六兩也。按漢食貨志。武帝制白金三品。其一曰重八兩環之。其二文龍名白。撰直三千。二曰以重。差小方之。其三文馬。直五百。三曰復小。橢之。其文龜。直三百。是其時昂銀以為幣。而八兩直三千。八錢止直三百也。王莽時。銀貨二品。黃金一斤。直錢二萬。銀八兩為一流。朱提銀一流。直錢一千五百八十。他銀一流。直錢一千。以他銀與黃金較計之。金一斤。當直他銀五斤。金一兩。直他銀五兩也。若金四兩為斤計之。則金一兩。當直銀二十兩也。漢黃金賤。而白金貴。必不懸絕。乃爾。又王莽傳。故事聘

皇后黃金二萬斤。為錢二萬萬。則一斤萬錢之說合矣。漢賜霍光黃金七千斤。當為錢七千萬。周勃五千斤。錢五千萬也。

進奉之侈

紹興三十一年十月。高宗幸清河郡王第。供進御筵外寶器。則御藥帶一條。玉池面帶一條。玉獅蠻樂仙帶一條。玉鶻兔帶一條。玉璧環二。玉素鐘子二。玉花高足鐘子二。玉枝梗瓜盃一。玉瓜盃一。玉東西盃一。玉香鼎二。蓋全玉椽頭櫟兒一。玉古劍坑等十七件。玉圓臨安樣櫟兒一。玉靴獨帶刀子二。玉並三靴刀子四。玉犀牛合替兒一。金器一千兩。翠毛二百合。珠子十二號。共六萬九千五百九顆。珠子。金珠一串。一百九顆。瑪瑙珠金相束帶一條。白玻璃圓盤子一。玻璃花瓶七。玻璃碗四。瑪瑙碗大小二十件。古器則龍文鼎一。商彝二。高足商彝一。周盤一。商父彝一。周敦二。周舉彝一。有益獸耳周彝一。汝窑則酒瓶一對。洗一。香爐一。香合一。香毬一。蓋四隻。孟子二。出香一對。大匱一。小匱一。又螺鈿合十具。織金錦子金犀皮合十具。織金錦褥子全。有御寶古畫十軸。曹霸五花驄。馮瑾霽烟長景。易元吉寫生花。黃居寶雀竹。吳道子天王張萱。唐后竹叢。邊鸞萱草山鷓。黃荃萱草山鷹。宗婦曹氏。蔘岸。杜庭睦。明皇所

膾。無寶有御書九軸。趙昌躑躅鷓鴣梅竹思躑躅母鷄杜霄撲蝶。巨然嵐鎖翠峯董
元夏山早行二軸。僞主李煜林泉渡水人物。無寶御書。荆浩山水。吳元俞紫氣星燃
金錦五十疋。素綠錦一百五十疋。水錦二百疋。生花番羅二百疋。暗花葵羅二百疋。
樗蒲綾二百疋。國朝武宗臨祭張英公懋。每一奠酒。其家進五百金。凡九奠。南巡幸。
致仕揚相一清家飲宴三日。賦詩酬和。楊大出珍寶為獻。

酉陽雜俎。載安祿山恩寵莫比。錫賚無數。其所賜品目。有桑落酒。潤尾羊窟利馬
酪音聲人。兩部野豬酢。鯽魚并鱠手刀子。清酒大錦。蘇造真符寶輦。餘甘煎。遼澤
野鷄。五木湯。金在凌湯。及藥童。昔賢子就宅煎蒸梨。金平脫。犀頭匙箸。金銀平脫。
隔毘。鈍盤。金花獅子瓶。帖白檀香床。綠白平細背席。綉鵝毛氈。兼令姚令光就宅。
張設。金鸞紫羅緋羅立馬寶鷄袍。八斗金渡銀酒甌。銀瓶。平脫銀。芥籬。龍鬚夾。帖。
八角花烏屏風。銀鑿鏤鐵鏢。掏魁織錦筐。金大腦盤。熟線綾。接勒銀。平脫。破觥。

權貴藉沒財賄

國家藉沒權貴資產。勳臣則涼國公藍玉。曹國公李景隆。忠國公石亨。咸甯侯仇鸞。
文臣則少師嚴嵩。武臣則錦衣都指揮紀綱。都督錢甯。太保陸炳。平虜伯江炳。中貴

則內官太監袁琦司禮太監王振曹吉祥劉瑾張雄張銳畢真李彬之屬及今馮保
而其富無過于振瑾彬甯嵩保六家留青日札劉瑾家財平天冠一項袞龍袍四領
蟒衣四百七十襲八爪金龍盃甲三十副金甲二副金鈎三千金絲碧玉帶五條玉
帶四千一百六十條玉印一顆玉琴一張寶石二斗牙牌二櫃穿宮牌五百面金銀
湯鼓五百件金二十四萬錠碎金五萬七千八百兩銀元寶五百萬錠約銀二十五
千萬兩零銀一百五十萬三千六百兩錢甯金七十扛共十萬五千兩銀二千四百
九十扛共四百九十八萬兩碎金銀并首飾五百二十箱珍珠二櫃金銀臺盞四百
二十副胡椒三千五百石蘇木七十扛段足三千六百扛江彬金七十櫃共一十萬
五千兩銀一千二百櫃共四百四十一萬兩金銀首飾五百一十箱金銀湯鼓四百
個嚴嵩江西鈔沒者誥勅翰器等項共二百二十四件金共一萬三千一百七十一
兩零純金器皿三千一百八十五件重一萬一千三十三兩零內有金海水龍壺五
金龍耳圓杯一金龍盃三金箱珠寶器皿三百六十七件共重一千八百二兩零內
有龍盤鳳盃龍壺鑲金器皿二百五十三件內有金牌十二面金人三個共四百三兩
零金箱玉首飾二十三副內有貓睛六顆祖母綠二件金箱寶珠首飾一百五十九

副內有貓睛二十顆。金玉珠寶頭箍圍髻二十一條。金玉珠寶耳環耳墜耳塞二百六十七雙。內有貓睛二顆。金箱珠玉禁步事件六十二件。金銷寶石簪三百九件。金玉鑲嵌珠寶獨釧一百五件。雜色金寶首飾七百七十六件。金鑲珠玉寶石帽頂三十五個。金鑲玉寶繚環二百八件。內貓睛廿顆。黑貓睛一顆。圓月大珠不計。金箱嵌珠寶繚鉤六十八件。內貓睛二顆。紀綱彈文內載網前後使腹心幹為詔。下諸司鹽場勒鹽四百餘萬。還復釋詔奪官船二十艘。牛車四百輛。載入私第。又喝持大賈黃金三百五十兩。白金二千兩。鈔四十五萬貫。帛千五百疋。又挾詐交趾使黃金八十兩。金盆一。異寶二十枚。計奪民人倪貴茅舍飛宅十七所。計直三千餘兩。匿縣官與民地八所。直二十餘萬。從藉故晉王。乾沒黃金五百兩。金盆一。寶釧二。金鞍轡二。又從藉故吳王。沒真珠龍袍紅鞋玉帶。其所用金裝八寶環。八寶帽飾。玉盞玉水池。研珊瑚犀毘玉束帶。紅輔口玉石馬几。俱飾交龍日月星斗。故大豪沈萬三子文度。因藉沒。蒲伏進黃金百兩。白金千兩。龍文被一床。龍角一株。奇寶十具。異色綺四十疋。

姑茂徐應秋君義父輯

飲食之侈

古人飲食之侈者。何曾日食萬錢。任愷一食萬錢。和嶠日三萬錢。高陽王元雍一食數萬錢。杜歧公棕日五食。一食萬錢。李衛公德裕。至一盃羹二萬錢。雜珠玉寶貝。硃砂雄黃煎汁為之。韋侍郎陟宴列侯家。雖極水陸。曾不下筋。厨中棄遺至直萬錢。張元厚家庖百品。有蔡機缸二十。盛貯皆滿。元載飲食一物。用硫黃碗熱物。用泛水篋。器有三千事。蔡太師京厨婢數百人。每殺鷄子。輒千餘。孫節度承祐。一宴殺物命數千。王武子。晉武幸其第。侍婢數百人。各持琉璃器。供膳食。唐諸王貴主。學琵琶。以貴妃為師。日會宮中。各進珍食。以中使姚思藝為進食使。日至千盤。一盤不下千緡。郭子儀每入朝。上令魚朝恩元載送為主。一宴至費錢十萬緡。而其品物烹飪之法。則崔浩馬琬。盧仁宗竺暄。劉休各有食經。何曾安平公食草。梁大官有食經。食法。隋大業有淮南土食經。食目。唐趙氏有四時食法。蕭家法饌。楊暉有膳夫經。手錄。嚴龜有食法。貫子休有續法饌。王易簡有食法。黃克明有江殮蟹要。偽唐陳士良有食物本

草宋林洪有山家清供韓奕公望有易牙遺意周履靜續易牙遺意至虞仲謝諷各有食經十卷段文昌有鄒平公食憲章五十卷子孟蜀食典一百卷不知口腹奉養何以侈汰至此

附錄宛委餘篇師曠荀勗符朗皇甫謐妙于味者也彭鏗易牙毛德祖虞悁曲良翰彭湘潔余媚娘工于味者也魏文齊武隋煬吳質何曾何劭和嶠王愷王濟石崇劉穆之徐湛之何勗阮佃夫朱异羊侃元維元琛崔瞻爾朱文畧韋安石韋陟裴冕元載段文昌李德裕趙雄武孫承祐陶穀蔡京張俊張鉞侈于味者也廉頗樊噲王鸞典韋李勣勇于味者也宋明山濤劉道真江淹蕭穎胄鹿宜孫馬郁杜惛廖易之張齊賢張慙趙維洪于味者也張易之張昌宗韓縝酷于味者也羅友陳仲潛猥于味者也鄭子公御司馬子期小人于味者也

如來三十二相

般若經載如來三十二相一足下有平滿相猶如奩底地雖高下隨足所蹈坦然等觸二足下千輻輪文網縠衆相無不圓滿三手足並皆柔軟如兜羅綿四兩足二指間猶如雁王鞞網交絡文如畫絲五手足諸指圓滿纖長可愛六足跟廣長圓滿與

跌相稱。七足跌修高。光滿與跟相稱。八雙膈漸次纖圓。如鹿王膈。九雙臂平之摩膝。如象王鼻。十陰相勢絳藏密。猶然馬。十一毛孔各一毛。生紺青宛轉。十二髮毛端皆上靡。右旋宛轉。十三身皮細薄滑潤。垢水不住。十四身皮金色晃曜。諸寶莊嚴。十五兩足兩掌中勁。十六雙肩七處充滿。十七肩項圓滿殊妙。十八膊腋悉皆充實。十九容儀洪滿端直。廿身相修廣端嚴。二十一體相量等圓滿。如諾瞿陀。二十二領臆并身上半。威容廣大。如獅子王。二十三光常面各一尋。二十四齒相四十。齊平淨密。根深白逾珂雪。二十五四牙鮮白鋒利。二十六常利味中上味。二十七舌相薄淨廣長。能覆面輪。至耳髮際。二十八梵音詞韻和雅。隨眾多少。無不等分。二十九眼睫猶若牛王紺青。齊整眼。眦紺青。鮮白紅環。間節皎潔分明。三十面輪猶滿月。眉相皎淨。如天帝君。三十一眉間有白毫。相柔軟如絲。白逾珂雪。三十二頂上鳥瑟膩沙。高顯隆圓。猶如天蓋。菩薩本口載八十種好。一無見頂相。二鼻高孔不現。三眉如初月。四耳輪輻相埒成。五身堅實如羅那延。六口際如鈎鎖。七身面如象王。八行時足去地四寸。口文現。九爪如赤銅色。十膝骨堅着圓好。十一身淨潔。十二身柔軟。十三身不曲。十四指長纖圓。十五指文藏覆。十六脉深不現。十七踝不現。十八身口澤。十九身自

持不遠逾二十身圓滿。二十一容儀備足。二十二容儀莊嚴。二十三住處安無能動口。二十四威扼一切。二十五一切樂觀。二十六面口長大。二十七正容白不撓色。二十八面具滿足。二十九唇如頻婆果色。三十言音清遠。三十一口口圓好。三十二毛右旋。三十三手足滿。三十四口口如意。三十五手文明直。三十六手文口。三十七手文不斷。三十八一切惡心衆生。見者和悅。三十九面廣姝好。四十面淨如滿月。四十一隨衆生和悅與語。四十二毛孔出香氣。四十三口出無上香。四十四威儀如師子。四十五進止如象王。四十六行法如鷲王。四十七頭如摩陀那果。四十八一切身分具足。四十九牙白利。五十舌色赤。五十一舌薄廣。五十二毛紅色。五十三毛軟淨。五十四眼廣長。五十五手足有德相。五十六髮色青珠。五十七髮旋好。五十八髮不亂。五十九髮長好。六十觀無厭足。六十一衆生不能盡觀相。六十二次第有因緣。六十三發音報衆聲。六十四隨衆生語言說法。六十五說法不着。六十六隨衆生音聲不增不减。六十七不輕衆生。六十八等視衆生。六十九光照身而行。七十四邊光各一丈。七十一手足軟滑。七十二身長。七十三身大。七十四身持重。七十五身不傾動。七十六個腹。七十七腹不現。七十八臍不出。七十九手足赤白如蓮花。八十孔門相。

見也。法輪經稱老子有七十二相。頭圓為天。伏晨蟠起。玉枕穹窿。皓髮如鶴。長七尺餘。眉有北斗。其色翠綠。其間紫毫長五寸餘。虎髭龍鬚。素潔如絲。耳無輪部。中有三漏。高平于頂。厚而且堅。兩目日光。方瞳綠筋。鼻有雙柱。形如截筒。口方如海唇。赤如丹。氣有紫色。其香如蘭。齒如編貝。其堅如銀。數有六八。上下均平。舌長且廣。形如綿文。玉泉充溢。其味甘香。每發妙言。聲如金玉。顴高而起。頤方若矩。日角月圓。金容玉姿。龍顏甫甫。鳳視閑閑。額有九相。參平上達。天庭平坦。金匱充盈。腹有白痣。頤有五丸。頂有三約。鶴素昂昂。垂臂過膝。手握十文。其指纖長。爪有五甲。身有綠毛。胸有偃骨。背具河魁。臍深寸餘。腹軟如綿。心有錢文。腹有元痣。眼有輪文。足踏二巳。指有乾坤。身長丈二。遍體芳香。面方而澤。上下三停。身如金剛。喉如琉璃。行如虎步。動若龍趨。此其相也。又左扶青龍。右據白虎。前導朱雀。後從玄武。頭蔭紫文。足履蓮花。頂負景五明曜。日身有圓相。洞照九天。兼仙相光色。奇妍。謂六十一好。祖庭廣記。宣聖四十九表。反目注。面月角。日準河目。海口斗唇。昌顏均頤。輔喉駢齒。龍形龜脊。虎掌駢脇。參膺圩頂。山臍林齒。翼臂注頭。阜腴提眉。地足谷竅。雷聲。面如蒙俱。手垂過膝。眉十二采。目六十四理。立如鳳峙。坐如龍蹲。手握天文。足履度宇。望之如仆。就之如升。修

上趨下末。偃后耳視若營。四海耳垂珠庭。胸有文曰。制作定世符。身九尺六寸。腰十圍。又古帝王之相貌。則如天皇。頰羸三舌。驤首鱗身。碧盧虎揭。地皇馬蹏。妝首。秦皇龍軀。驤首達腋。黃長氏黃頭。方腹長放。氏渠頭。四乳。皇覃氏兔頭。日角。倉帝史皇氏龍顏。侈哆。四目靈光。伏羲蛇身。人首長頭。修目。龜齒。龍唇。眉有白毫。鬚垂委地。一曰龍身牛首。渠肩達腋。山半日角。盞目。珠衡。駁亮翁巖。身長九尺一寸。女媧蛇身。人首宣髮。神農人身牛首。戴玉英玉勝。一曰長八尺七寸。宏身牛額。龍顏大唇。懷成鈴戴玉璣。黃帝身逾九尺。附巫。扼孛。修鬚花瘤。日角。龍顏。河目。隆額。少昊秀外。龍庭。月縣。通頤。頤頤渠頭。併幹。通眉帶平。帝鬣方頤。龐顰。珠庭。仇齒。戴于。帝堯身倅十尺。豐下免上。龍顏日角。八采三眸。鳥庭。荷勝。琦衣。射出。握嘉履。翌。窈息。洞通。帝舜長九尺。龍顏。日衡。方庭。大口。面靦。亡髦。懷珠。握瘞。形卷。婁色。黑員首。重瞳。禹虎鼻。大口。兩耳三漏。首戴鈞鈴。胸有玉斗。足文履已。又云長頸鳥喙。湯豐下免上。珠庭。哲而有鬚。倨身而揚聲。臂有四肘。文王龍顏。虎肩。胸有四乳。武王駢齒。秦始皇蜂準。長目。鷲鳥鷹豹聲。漢高祖隆準。龍顏。美鬚鬣。左股有七十二黑子。光武隆準。日角。大口。美鬚眉。昭烈臂垂過膝。顧見其耳。晉武帝尖髮委地。手過膝。齊太祖道成。龍額。鍾聲。鱗文。徧體。梁武

帝行。日角龍顏。重嶽虎觀。舌文八字。頂有浮光。身映日無景。兩髀駢骨。頂上隆起。有文在左右手。曰武。兒時能蹈空而行。梁簡文帝。方頤豐下。須鬢如畫。真髮委地。雙眉翠色。頂毛左旋。連錢入背。目光燭人。陳武帝霸先。日角龍顏。垂手過膝。齊神武觀目。有精光。長頭高顴。齒白于玉。文宣帝洋。鱗身重踝。周文帝泰。方頤廣額。美鬚髯。髮長委地。手垂過膝。背有黑子。宛轉若龍盤之形。隋高祖堅。龍顏。長上短下。額有五柱。入頂。目光外射。有文在手。曰玉。唐太宗龍鳳之姿。天日之表。虬鬚。可以挂弓。宋太祖正黑色。方面大耳。其鬚位方隅者。項羽目重瞳子。一力能扛鼎。喑鳴叱咤。千人皆廢。王莽哆口。露眼赤睛。大聲而嘶。反膺高視。瞰臨左右。孫權紫髯。方頤。大口長上短下。劉淵子聰。俱猿臂。淵鬚長三尺餘。當心有赤毫毛。三根長三尺六寸。生而左手有文。曰淵。聰左耳毫長二尺。非常光澤。劉曜身長九尺三寸。手垂過膝。生而眉白。鬚四尺餘。目有赤光。鬚髯不過百餘根。而皆長五尺。慕容皝。龍顏。版齒。慕容垂。手垂過膝。符堅背有赤文。隱起成字。曰草付臣。又土王臂垂過膝。面有紫光。慕容德。額有日角。偃月圭文。魏什翼提。隆準龍顏。立髮委地。卧則乳垂至席。段龜龍。涼州記。呂光左肘生肉印。及征南城。印內隱起文字。曰巨霸。十六國春秋。彭神符。生而有文在手。曰神符。朱

泚眉分九聚

人壽四萬八千歲

禮外傳稱壽者不過百二十。過此不死為失歸祿怪。彭祖云人之受氣養之得宜常至百二十歲。小小曉道可得二百四十歲。加之可得四百八十歲。而釋氏稱須彌山東天下名東弗于。人壽三百歲。西名西瞿耶尼。人壽三百歲。南名闍浮提。人壽百歲。北名鬱丹。人壽千歲。長倍三天下人。闍浮提今中國四夷皆是也。又稱劫初闍浮提人壽四萬八千歲。身長八丈。其減乃至人止十歲。身長一寸。何兩者之徑庭也。然稽之史冊。古帝王壽高者。盤古一萬八千歲。天皇氏兄弟十二頭。各一萬八千歲。地皇十一頭。各一萬八千歲。人皇九頭。分長九州。合四萬五千六百年。其次則女媧氏百二十歲。蒼頡二百十有五歲。潛龍氏二百歲。飛龍氏百八十九歲。伊耆氏百七十有二歲。伏羲百九十四歲。炎帝百五十有五歲。神農壽一百六十有八歲。黃帝二百四十四歲。少昊百有一歲。帝嚳百五歲。堯百一十八歲。舜百有十歲。禹湯俱滿百歲。古公百二十歲。王季百歲。文王九十七歲。武王九十三歲。穆王一百五歲。論衡稱殷高宗周穆王皆出一百三十歲。人臣則伯鯀一百八十歲。伊尹百三十歲。召公百八十歲。見

路史太公百五十二歲。又畢公季札俱百餘歲。三代以下。秦穆公時。高四臺。南村王安。一百八十歲。漢魏文侯樂人竇公百八十歲。見桓譚新論。漢張蒼百餘歲。霍光典衣奴還東六百歲。漢范明友鮮卑奴二百四十歲。見博物志。東方朔父張夷二百歲。見洞冥記。魏武時皇甫隆百餘歲。又道人蒯京百七十八歲。見孫真人養性序論。魏鉅鹿張璠百五歲。晉范長生兩仕蜀。前后百年。魏羅結一百七歲。為外都大官。總三十六曹。精爽不倦。百十歲始歸老。朝廷大事。驛馬詢訪。百二十九歲卒。見魏書。梁普通中穰城人。二百四十歲。惟飲婦乳。見梁書。梁鍾離人顧思遠。一百十二歲。尚為散騎侍郎。食兼數人。頭有肉角。百二十歲而卒。見南史。楚僚奉后母至孝。母壽至一百三十歲。秦時王道平妻。壽一百三十歲。俱見搜神記。張元始九十六歲始生兒。遂無影。百六十歲始卒。見梁書。甄權精究醫術。一百三歲。見譚賓錄。唐洛陽九老中李元爽。百三十六歲。見白居易序。太原于伯龍。一百二十八歲。自隋仁壽生。見唐開元東封詣闕。賜紫袍牙笏。孫思邈百餘歲。俱見唐史。曹憲為弘文館學士。百餘歲。乃卒。見唐世說。宋洛陽党翁。百七十餘歲。五代太清時為兵。事柴太宗。見邵伯溫集。涪陵譙定于青城山採藥。一百三十歲。瓊州楊遐舉父楊叔連。百二十歲。祖宋卿。百九十五

歲九世祖居難窠中。形如小鬼。不食不飲。不知其年。見洞微志。宋初番禺陳崇藝年百十二歲。李珍年一百三十八歲。宋大中間東都僧好食茶。年一百三十歲。政和中福清林雄年百七歲。紹興中林洞年百十七歲。宋元時秦嘗舉博學宏詞科。年百二十餘歲。見萬柳溪邊舊話。王仁裕遠祖母二百歲。見說海。宋黃巖郭琮母一百五歲。高安趙吉自言一百二十七歲。與潁濱游。后尸解。見廣輿記。永寧郭扶家有丹砂井。一族數百口。飲此井。俱百餘歲。郭璞為隱士。趙逸筮得壽五百歲。東甌王壽一百六十歲。日本記武內年三百七歲。金完顏氏醫姥年二百許歲。毗騫王從古以來迄今不死。真珠船崑山周壽誼百六十歲。高皇帝召見。賜酒饌。茹文中百有十歲。英皇復辟之元亦召見。便殿予冠服。成化間有濟寧民王士能壽一百二十三歲。順天孔無似肆百歲。耳談載湯陰王翁百八十歲。廣東州老翁年一百十四歲。福州致仕知府林春澤一百四歲。有司為蓋百歲人瑞坊。蘇州毛鄉年百歲。而孫澄狀元及第。有司為蓋人瑞狀元坊。千戶朱政曾祖信百六歲。祖全百二歲。洛陽劉太師健一百七歲。王太史革九十九歲。成化時都督番將吳良亦九十九歲。魏文靖驥九十八歲。巴陵老人劉伯溫百八十歲。雲中督府梅公祖母能百歲。長葛老人鄭維藩一百二十歲。

筆精載義烏陳世恭萬歷戊寅一百六歲異人則西河少女一百三十歲沐骨國尸
羅一百四十歲彭宗修宜之法能三十為一息一百五十歲如二十許人樂長子遇
仙人授以巨勝靈丸散方曰蛇服成龍人服成童年一百八十歲顏如少女道士梁
須百四十歲能夜書行及奔馬董奉及上黨趙明淮終南山秦時宮人俱三百餘歲
老子西入流沙化胡成佛壽四百四十歲王初平兄初起就初平學服松脂茯苓至
五百歲密雲北山道者六百餘歲太和先生王旻以房中術致不死所在夫偕甚眾
其姑亦得道年七百歲犢子年數百歲武夷山張湛孫綽白石先生俱八百歲換骨
歸天蜀中李阿八百歲彭祖八百歲青精先生千歲色如童子安期生一千歲廣成
子千二百歲河上公一千七百歲中黃丈人弟子白石先生彭祖特已二千餘歲洪
崖神農師堯時已三千歲東海黃翁三千年一反骨洗髓二千年一刻骨伐毛已三
洗髓五伐毛黃安坐神龜此龜二千歲一出頭已五見其出頭是俱近萬歲矣釋家
則惠秀那連提黎耶舍阿善那單道開俱百歲澄觀百七歲二祖慧可百七歲靈垣
日照百八歲象僧法藏百十歲那爛陀寺戒賢一百一十歲佛圖澄百十七歲趙州
從諱百二十歲嵩岳慧安百二十八歲僧撼群行道仙阿難俱一百三十歲湘山寂

照一百三十二歲。廣州圓明百三十有八歲。東土達摩百五十歲。圓寂百五十五歲。菩提流志一百五十六歲。三藏鉢怛羅二百七十歲。梁耆陽忠烈王友僧惠照至康元和中猶存。年二百九十歲。僧景法喜三百餘歲。紙陀三藏六百歲。磔迦國大林善羅七百歲。中天竺達摩掬多八百歲。攜李五臺院。宋時有寶安禪師亦八百歲。西竺長耳一千歲。西天寶掌二千七十二歲。則異氣所鍾固自不誣也。大中祥符五年大食國老人無西忽盧華年百三十歲。耳重輪附船來王。詔賜袍帶束帛。山海經軒轅國其不壽者八百歲。王子年拾遺記盧扶國人皆壽三百歲。至死不老。杜陽編號明國人壽四百歲。神異經陀移國人壽萬歲。河圖玉板龍伯國人長三十丈。生萬八千歲。述異記日林國人壽二千歲。故品經東方阿羅提國人壽四百歲。南方洞陽之野國人壽三百六十歲。西方浩素之壘人壽六百歲。北方句羅國人壽三百歲。上方高上玉皇萬聖帝真以劫為年。下極太風澤寶真無量天人壽九百萬歲。歲如世間五百歲。上上禪善無量壽天人壽三千六百萬歲。歲如世間一千歲。梵監天人壽一億五千二百萬歲。歲如世間二千歲。兜術天人壽六億八百萬歲。歲如世間四千歲。不驕樂天人壽二十三億四千萬歲。歲如世間八千歲。化應聲天人壽九十二萬億一

千六百萬歲。歲如世間六千歲。梵寶天人壽七劫。歲如世間五千歲。梵摩迦夷天人壽二劫。歲如世間千五百歲。波梨答起天人壽四劫。歲如世間二千五百歲。阿含經云。四天王壽五百歲。以人間五十歲為一日。忉利天壽千歲。以人間百歲為一日。欲摩天壽二千歲。以人間二百歲為一日。兜率天壽四千歲。以人間四百歲為一日。化樂天壽八千歲。以人間八百歲為一日。他化自在天壽一萬六千歲。以人間一千六百歲為一日。摩身天壽三萬二千歲。以人間三千二百年為一歲。梵迦三天壽一劫。光音二天壽二劫。遍淨三天壽三劫。果實三天壽四劫。無極天壽五百劫。無造天壽十劫。無熱天壽二千劫。善見天壽三千劫。大善天壽四千劫。色究竟天壽五千劫。定處天壽一萬劫。識處天壽二萬一千劫。不周天壽四萬二千劫。有想無想天壽八萬四千劫。又六天欲界壽萬歲。十八天色界積億歲。四天無色界積年萬劫。四梵天壽命無有大期。以視塵世之壽。不啻浮漚起滅。烏在乎大椿莫靈之足以詫大年矣。又謝在杭稱楚中永樂時一盜魁年一百二十五歲。

一百十九歲

又按竹書紀年。稱召公一百十九歲。金石錄稱太公望一百四十歲。微與前說不同。

此外容齋隨筆稱卜子夏一百二歲。嵩山志稱齊東宮得疾。隱居嵩岳。壽三百餘歲。西陽雜俎。晉太康中。田宣于鳴石山。遇異人王仲倫。自言周宣王時人。至晉初。得十九甲子。蓋一千一百有餘歲。一統志。唐南昌人錢朗。累官光祿卿。百七十乃卒。嵩洪神仙傳。馬鳴生為地仙。歷九州五百餘年。李八百。歷世見之。計其年八百餘歲。李仲甫服水丹。兼行遁甲。在民間三百餘年。蜀人李意期。自漢文帝時至劉先主永安之敗。乃入瑯琊山。蓋五百歲。李常在少治道術。百姓累世奉祀。計年已四五百歲。而不老。陰長生得度世神丹。處民間百七十年。色如女子。漢武帝時。泰山老父服水丹。並作神枕。年百八十歲。駙馬都尉巫矣。年百三十八歲。沛人劉憑。以功封壽光侯。常服石桂英。及中岳石流黃。年三百餘歲。蒯子訓在鄉里三百餘年。王烈服青精及鉛。年三百三十八歲。焦光煮白石如芋為食。二百餘歲。呂恭遇仙人。去家二百年。復歸。有孫呂習。僅存。授以神方。老而復壯。至二百歲。王綱服珠醴。年二百八十。劉政治墨子五行記。兼服朱英丸。年百八十。孔安國常行氣服鉛丹。年二百歲。九靈子皇化。得還年却老之術。在人間五百餘年。葛越號黃盧子。善氣禁之道。年二百八十。許昌人李根。兩目瞳子。皆方。年七百餘歲。上黨人王真。魏武帝召見時。已四百歲。入大治山。

李根兩目瞳子皆友年七百餘歲上黨人王真魏武帝召見時已四百歲入大治山
仙去真仙通鑑晉孝武時吳猛上封時百二十歲許旌陽上昇年百三十六歲黃魯
曾云嘉靖中尹蓬頭自南都來已一百二十八歲洞冥記倭佺生于堯時三千歲舊
唐書葉法善生于大業丙子死于開元庚子一百七歲玄奘法師傳龍樹大士壽七
百歲異苑釋僧群蔬食居霍山絕粒飲泉年百三十乃卒釋氏通鑑僧法喜在宋元
嘉十七年為鍾山寺沙門隋煬帝時乃化壽三百歲此皆前篇之所未悉乃知長生
久視代不乏人百年未稱上壽也

十九世同居

累世同居者漢蔡邕樊重魏楊播宋奉新胡仲堯外若唐博陵崔倭晉郎方貴俱三
世同居開元中青州呂元膺四代同居牛馬羊狗異母同乳宋太原太守顧訓之徐
州彭程四世同居吳地記后漢顧訓家有百口五世同居鄉人造百口橋以彰孝義
襄州張巨源劉芳兗州童升陳州樊可行京兆元守全平定軍段德潭州瞿景鴻温
州陳侃江陵褚彥逢俱五世同居陝州張文裕六世同居建昌洪文撫自其祖諤六
世義居太宗遣御書百軸賜其家麟州楊榮隰州趙友開封李居正潁州張可象衛
州張珪滄州崔諒並七世同居博陵安平李凡七世同居共財家有二十二房一百

九十八口。宋五行志。元祐元年。杭州民俞舉慶七世同居。家園木連理。阜城人李罕登。七世同居。江州許祚。八世同居。長幼八百口。廬州趙廣順。安軍鄭彥圭。信州俞雋。俱八世同居。池州方綱。八世同居。家屬七百口。居室六百區。每旦鳴鼓會食。莫州高珪。永定軍朱仁貴。潞州邢濬。相州趙祚。並八世同居。唐張公藝。九世同居。宋熙寧中。上虞劉承誥。一家四百餘人。十世同居。京兆惠從順。十世同居。貝州清河民田祚。十世同居。太宗復其家。保定軍孫浦。襄州常元紹。蔡州黃美。解州董孝章。並十世同居。河陽故大理丞陳芳。十四世同居。信州李琳。十五世同居。會稽表承詢。十九世同居。此外如錄異傳。稱昔周時尹氏。貴族數代共爨。食口數千。作糜之聲。聞數十里。臨食失三十人。則入鑊中。墜取鑊底糜。鑊深丈。故人不見也。南唐書稱江州陳氏。元和給事中。京之后。宗族七百口。共席而食。畜犬百餘。食亦一牢。一犬不至。諸犬為之不食。宋河陰王世。大名李宗祐。陳州劉堯。宣州汪政。潭州李耕。俱聚居。至七百口。累十百年。並旌表。蠲其課調。河中人姚宗明。其十世祖棲雲。當唐貞元中。至慶歷初。以十世同居。詔復其家。至十三世孫德。孝睦不替。又五十餘年。宋史載德安陳昉。自其祖至昉。十三世同居。大約亦不下十數世矣。

七歲有聖德

古人夙慧可記者。神農之子炎帝柱。七歲而有聖德。見路史。顓頊年十二而治天下。見新序。蒲衣八歲為舜師。見皇甫謐高士傳。荀仲豫稱禹十二為司空。見傅子。畢子生五歲而佐禹。見列女傳。項索生七歲為孔子師。見新序。甘羅十二封上卿。見戰國策。王子晉生八歲而服師曠。見尸子。此外如白居易生六七月。即識之無二字。五六歲便學詩詞。見長慶集。嘉魚李承芳生甫七月。能以筋畫灰作土地二字。見江漢叢談。楊牢絕乳。即能賦詩。積思經術。無不貫綜。見本傳。郢州別駕黃詠三歲書一過目。輒成誦。大觀二年。應童子科。引見徽宗。摘南山之壽之句以發誦。詠應聲曰。不騫不墮。上以崩字為問。對曰。詩人之言。不識忌諱。臣安敢復述。上大悅。見興化志。揚綰四歲。客舉坐中一物。以四聲呼之。綰應聲指鐵燈樹曰。燈盞柄曲。見舊唐書。任昉四歲。誦詩數十篇。八歲能屬文。見本傳。蕭穎士四歲屬文。觀書一覽即誦。見舊唐書。賈逵五歲。隔籬聞人讀書。靜聽無言。到次五歲。教讀屏風古詩一遍。便能諷誦。見北史。蘇頲五歲時。讀庾信枯樹賦。能避諱字。見廣人物志。纔能言。見京兆尹過其父瓌。即能詠尹字詩。見明皇雜錄。房元齡五歲。能誦毛詩。見唐書。王元之五歲。能吟白蓮詩。見古

今詩話黃庭堅五歲讀五經問人言六經何讀其五遂讀春秋十日成誦見道山詩話昭明太子三歲受孝經論語五歲並誦五經見梁書劉獻五歲聞舅讀管寧傳欣然欲讀見南史令狐楚五歲能詞章見真珠船林傑五歲咏玉仙君壩壇尤精琴碁全局翰者令繼其事指踪出奇往往返勝王子敬五歲有書意衛夫人書大雅吟賜之陸雲六歲能賦詩見別傳曹冲六歲知稱象以船刻其水痕苻堅六歲常戲于路徐正問曰小兒行戲不畏縛耶曰吏縛有罪不縛小兒陸瓊六歲為五言詩頗有詞彩俱見本傳徐勉六歲見家人祈晴率爾為文梁簡文六歲能文武帝面試援筆立成見南史王僧孺六歲能屬文七歲能讀十萬言劉顯六歲能誦呂相絕秦書賈誼過秦論王勃六歲屬文詞情英邁王瞻六歲從師讀書有伎經門同業皆出視瞻習業如初宋吉水李獻可六歲能詩賦睡宮人有柳妬眉間綠桃憎臉上鮮之句帝拊其背命宮人紡御掌于背以歸韋溫七歲日念毛詩一卷年十一應兩經舉登第俱見舊唐書陳亢方七歲能折父友過中不來王戎七歲知樹在道傍多子必是苦李愍懷太子七歲知暮夜倉卒宜備非常母令火光照見人主王褒王筠謝莊俱七歲能屬文宋璟七歲能屬文一遍即記鵬鳥賦見神道碑李德林數歲誦三都賦子百

藥七歲屬文。能知琅邪籍稻出處。百藥子安期。亦七歲能屬文。黃琬七歲能對日食狀。夏侯榮七歲能屬文。日誦千言。見世語。李鄴侯七歲對方員動靜詩。見外傳。高郢九歲通春秋。能屬文。子定七歲讀尚書。以湯誓難父。郢不能對。見舊唐書。李賀七歲作高軒過詩。杜甫徐彥伯張九齡裴敬彝皆七歲能文。孫思邈七歲日諷千言。見世說。賈嘉隱七歲舉神童。見李勣于朝堂能應公木鬼木之對。見語林。唐肅七歲誦五經。賀德英李重規七歲能屬文。郤忠恕七歲通九經。何遜八歲能賦詩。見本傳。魏文帝曹丕八歲能屬文。有逸才。孔融被收。二兒大者九歲小者八歲能對父以覆巢之下無完卵。徐陵八歲屬文。十二通莊老義。庾肩吾八歲能賦詩。劉晏八歲獻東封頌。上引宴于內殿。縱六宮觀看。貴妃為畫眉作髻。尋拜為秘書省正字。見明皇雜錄。何妥八歲遊國學。能答助教。顧良荷葉河水之戲。張吳興八歲齡齒。先達戲之曰。君口中何為開狗竇。應聲答曰。止使君輩從此中出入。孔穎達八歲就學。記誦日千餘言。謝元正八歲賦春日間居詩。有風定花猶落之句。李義甫八歲舉神童。進烏詩。有上林如許樹。不借一枝棲之句。張九成八歲能誦六經。丘柱八歲觀陶母剪髮圖。指陶母手中金釧。詰之曰。有此可易酒。何用剪髮。宋吉安鄧有興八歲能誦九經。又劔戟。

八歲中慶元五年神童科。楊廷秀贈以詩。有精神玉雪照人寒。骨格麟駒夾道看之。
句。劉遠之。歐陽玄。八歲能屬文。崔琰九歲舉秀才。見魏書。虞荔九歲。候陸澄澄問五
經十事。隨問輒應。無有遺失。見陳書。童烏九歲能對荷戈入榛。員俶九歲升高座講
論三教。集者皆屈。崔英九歲對苻堅日月可重見。陛下至尊不可再覩。楊修九歲。孔
君平指楊梅曰。此是君家菜。修應聲曰。未聞孔雀是夫子家禽。魏陳思王曹植十歲
誦讀詩論詞賦數十萬言。王應麟十歲通六經。謝朓十歲能屬文。邢劭十歲屬文雅
有才思。日誦萬言。李白十歲觀百家。王羲之十歲卧帳中。聞王敦逆謀。能詐吐熟眠
以避難。謝惠連十歲能屬文。房次律弟子余國十二歲時。次律徵問葛洪仙錄中事。
以水玉數珠手節之。凡兩徧近二百事。琅琅誦之不止。次律賞以轉枝梨。吳郡褚徽
七歲。暮入高品。嚴武八歲。鐵椎擊父妾。為母報仇。其十齡以外。聰穎異常者。又不能
更僕也。又童子拜官者。漢順帝時。汝南謝康。河南趙建。年十二。各能通經。拜為童子
郎。晉司馬郎十二試經。為童子郎。宋閩人蔡伯倫。三歲應薦。讀書百餘篇。召入禁中。
真宗授官正字。孝宗朝。衢州人呂嗣興。四歲能誦書切韻。變四聲。畫八卦。面試吟詩。
授右從政郎。為皇孫榮國公伴讀。宋賈黃中。以七歲通五經。童子及第。宋口陵譚昭。

寶七歲應童子科。登上策。謝啓有七歲遠離于膝下。九經流出于胸中之句。理宗見而異之。元豐七年。饒州童子朱天鈞。九歲試禮部。七經皆通。賜五經出身。咸平二年。邵煥年十二。以童子召至京師。上令賦春雨賦。援筆立就。命授秘書正字。于秘閣讀書。十月召童子朱天申。對于睿思殿。年十二。十經俱通。賜五經出身。晏同叔殊。七歲以神童薦。中童子科。廣西粟大用。年九歲。以通五經。應童子舉。真宗補登仕郎。吉水李如珪。七歲中童子科。孝宗召見。與其父隔珠簾。賜宴。楊大年十一歲。以童子召對。試詩賦五篇。頃刻立成。授秘書省正字。國朝洪鍾。以四歲舉。李東陽。以五歲舉。皆入翰林。程敏政。楊一清。俱以八歲舉神童。而楊少師廷和。以十一歲舉。孝廉于鄉。大理寺卿朱奎。太常卿任道遜。俱以十二歲舉奇童。侍東宮書。趙中丞時春。楊少師一清。福州林按察使文秩。泉州黃孝廉日曜。俱年十四舉于鄉。興化戴探花大賓。十三歲中弘治辛丑進士。福州林庶吉士文楛。以十三歲舉。永樂甲午榜。然尚以文學顯也。高宗時。小校子劉毅。年五歲。善騎射。補校尉。朱虎臣。浮梁人。數歲能排陣步射。及讀七書。補承信郎。賜金帶。許垣。十歲隨父入山採藥。父為虎所噬。以杖擊之。虎走。父得全。國史補。渾太師城年十一。隨父釋之。防冬。其年立跳盪功。后二年。拔石堡城。

收龍駒島。皆有奇捷。以童子嫻武事。更為創見。女子夙慧。如蔡琰六歲能知琴絃之絕。為第四絃。唐太宗徐賢妃八歲擬離騷。唐玄宗梅妃江氏九歲能誦二南樂天女金鑾十歲。忽書北山移文。遂以勒石朝野雜記。淳熙元年。女童林妙玉求試中書。批試所誦經書四十三件。並通特封孺人。而華楊志載荀崧小女年方十三。父為杜曾所圍。女率勇士潰圍而出。賊追甚急。且戰且前。卒詣周昉請救。破賊全城。又奇之奇者。仙釋則釋道安七歲讀書。再覽能誦。澄虛太師七歲入山精修。晉口黃縣蘆童子九歲升仙。梁太學博士江泌女。少即出家。年八歲。有時靜坐。閉目誦出眾經。淨土經。口卷。妙莊嚴經四卷。寶頂經一卷。九歲復誦正頂經一卷。法華經一卷。勝夢經一卷。十歲誦出藥草經一卷。太子經一卷。迦耶婆經一卷。日本僧裔然言其國用明天皇有子曰聖德太子。年三歲聞十人語。同時並解。七歲悟佛法于菩提寺。講聰暨經。感天雨曼陀羅華。娑竭羅龍王女八歲。智慧利根。忽然之間。變成男子。即往南方無垢世界。坐寶蓮花。成等正覺。此則聖性冥通。言思路絕。不容以世俗知解窺測之矣。元史帝師八思巴。土番薩斯加人。七歲誦經數十萬言。因名曰八思巴。一作八思麻。音之轉耳。八思巴者。華言聖童也。國人又曰班彌恒。班彌恒者。華言有學術人也。

七歲聖

前考夙慧已畧備矣。今又按黃帝十歲知神農之非。魯仲連十二折田巴之辯。蓋部者舊傳。張霸七歲通春秋。號為聖童。后漢書。張堪六歲受業。號聖童。南史。顧歡六歲作黃雀賦。唐書注。賈言忠數歲誦書萬言。七歲以神童擢策。舊唐書。聞喜人裴敬彝七歲解屬文性又端謹。號為甘露頂。金史太宗時。東平童子劉天驥七歲能誦詩書。易禮春秋左傳語孟增一阿含經。佛言修摩那沙彌年向八歲得四神足。及得四諦之法。智度論舍利弗。生始八歲誦十八部經。通解一切義。摩伽陀國常設大會。作樂談義。舍利弗升座問答。辭理超絕。神僧傳。釋道安七歲讀書。再覽能誦。年十二師與光明經一部。不減萬言。安覽畢即還。其師覆之。不差一字。辛七師十歲好浮屠法。日閱佛書。自能辨梵音。不繇師教。北涼錄。曇無讖十歲誦呪。聰敏出群。日萬餘言。鶴勤那尊者七歲觀淫祠。入廟叱之曰。汝妄興禍福。勾惑于人。言訖廟貌忽然而壞。鄉黨謂之聖子。

兄弟十龍

唐賈會。有高節。里中號一龍。華子魚與邴原管寧游學相善。號一龍。漢許虔許劭。號

平輿二龍。又劉岱、劉繇、齊柳悅、柳悛、南唐徐鉉、徐鍇，皆號二龍。烏承玘、承恩，皆為平虜先鋒。號轅門二龍。又程明道以呂晦叔、司馬君寔為二龍。蔡邕、崔實、許受，號三龍。蜀李朝兄弟三人，號李氏三龍。唐李修子李亮、李訓、李叔、李秀，皆狀元及第。又房諶子豫、垣、遂、熙，俱號四龍。稱五龍者，竇儀兄弟。又辛鬱、兄賢、曠、弟寶、迅，皆以才識知名。號五龍一門。汝南先賢傳：周燕五子：子輿、子羽、子仲、子明、子良，亦號五龍。濟北汜昭戴、祈、徐、晏、夏、隱、劉、彬，俱神童。號燉煌五龍。張岱與兄太子中書舍人寅、新安太守鏡、征北將軍永弟廣州刺史辨，皆知名。號張氏五龍。公沙穆五子：紹、孚、恪、達、藝，有令名。號公沙五龍。索靖、記、哀、張、魁、索、齡、索、永，號燉煌五龍。晉卞粹兄弟六人，並宰輔。號卞氏六龍。溫恭兄弟六人，並知名。亦號六龍。李密六子：英、逸、挺、秀，號李氏六龍。崔徵兄弟七人：陸、微、兄弟七人，俱號七龍。漢荀淑子：儉、緄、靖、燾、注、爽、肅，數號荀氏八龍。崔瑗、珙、璿、瓌、玠、球、珣，亦號八龍。韓忠獻八子：綱、總、繹、緯、鎮、維、紆、絳，時人以此號荀氏八龍。又賀德仁兄弟、劉知幾兄弟，俱號八龍。伏羲兄弟八人，號八龍。北齊傳：昕、母、清河、崔、氏、學、識、有、風、訓、生、九、子、王、昕、王、暉、王、昭、王、晞、王、皓、等、風、流、蘊、藉、號、王、氏、九、龍、后、魏、崔、長、瑜、子、樞、等、九、人、號、九、龍、張、魯、十、子、儒、雅、溫、恭、號、張、氏、十、龍、又、兄、弟、稱、三、鳳、者、唐

河東薛元敬薛暉薛德豪又秦和徐川與弟貢威時號徐氏三鳳羅欽順與欽忠號羅氏三鳳賈彪兄弟三人並有高名而彪易優時稱賈氏三鳳北齊崔陵弟仲文號二鳳而隋時魏景義魏景禮亦號二鳳賈彪兄弟三人號三虎而陸暉兄弟三人並有才名亦號三虎又王勃與弟劇覲號三珠樹楊用修曰三國志管寧為龍頭邴原為龍腹華顏為龍尾予謂華顏為鬚尾近世山西以喬白崖王虎谷王瓊為河東三鳳評者謂白崖虎谷為二鳳王瓊為一梟

一胞五男

左傳僖十七年梁王孕過期卜生一男一女男為人臣女為人妾鄭漁仲書畧子津之切一產二子也方言陳楚間凡人獸乳而雙生謂之贅孽秦晉之間謂之縲子趙魏之間謂之孖生西京雜記霍將軍妻一產二子疑所謂兄弟霍光聞之曰昔殷王祖甲一產二子曰囂曰良囂以卯日生良以巳日生則以囂為兄以良為弟許聲莊公一產二女曰妣曰茂楚夫人唐韋一產一女一男男曰貞夫女曰瓊華皆以先生者為長霍亦長先生者焉至孿生有三男四男五男之異後趙石勒時黎陽人陳武一產三男一女武携其妻子詣襄國上書自陳勅以為二儀諧暢和氣所致賜其乳婢

一口穀一百石。雜彩四十疋。元世祖至元二十年二月。高州張忍妻李氏。一產四子。
三男一女。又宋自建隆元年。至天禧四年。郡國上谷民妻。產三男者一。產四男者三。
一男三女者二。二男一女者一。天聖迄治平。婦人生四男者二。生三男者四。一產生
二男一女者一。熙寧元年。距元豐七年。生三男者八十四。四男者一。二男一女者一。
元豐八年。至元符二年。生三男者十八。四男者二。三男一女者一。元符三年。至靖康
生三男者十九。四男者一。前志以為人民蕃息之驗。嘉靖香山蓮塘民鄭七仔妻。廣
州河南民黃世綱妻。靈丘縣民李文秀妻。萬歷高平縣民吳守倉妻。俱一產三男。至
道三年。延平民劉柏妻。產三男。萬歷元年。沙縣民黃壽。一乳三子。續庚巳編。汝竇士
燕生一產三男。漫筆。石頭港巡檢任忠。一胞三男。成化間。聞喜縣民鄒亮妻。初乳生
三子。再乳四子。三乳六子。河汾燕閒錄。延興三年。秀容郡婦人。一產四男。四產十六
男。又嘉靖初。京師民米鑑妻。二月十一生一子。十二生一子。十三生一子。近日范工
部鈔夫人。得一女。四閱月矣。又生一男。閩醫生莊應憲言。省城撫院掌篆林書辦安。
正月初十日生一男。二十日又生一男。俱亘古未有之奇也。庚巳編。載武進人張麻
妻。一產五男。嘉靖六年。河間陳氏。一產七女。陳後山叢談云。鄆城民有二十一子。而

雙生者七。聞之相人者。婦人上唇有黑子者。多孖生。宋乾道五年。朔州有婦孕過期。產子。如指大。五體皆具。百餘蠕蠕能動。按漢安帝永寧元年。南昌有婦人生四子。太子劉祇。問唐檀變異之應。檀以為京師當有兵氣。其禍發于蕭牆。至延光四年。黃門孫程。楊。兵殿省。誅皇后兄閹顯等。立濟陰王為天子。則又與人民蕃息之占異矣。

男女六十九人

后周書。李遷哲。嘗除真州刺史。即本州也。遷哲妾媵百數。男女六十九人。緣漢千餘里第宅相次。姬媵之有子者。分處其中。遷哲鳴笳導從。往來其間。縱酒歡讌。子孫參見。或忘其名。披簿以審之。列仙傳。劉京授九子丸于王公。公時已七十歲。服之。御八十妾。生二十兒。晉姚弋仲有子四十二人。吐谷渾有子六十人。宋張耆子亦四十二人。馮行己二十二子。耆開窗直馬廐。先以馬合。縱婢妾窺之。有所幸御。罔不成孕。行己每五更用湯沃其下部。日出方罷。則知多子。亦有術也。周哀王八年。鄭有一婦人。生子四十。二十子為人。二十子死。顏之推賦。魏姬何多。一孕四十。中山何夥。有子百廿。中山。漢中山王勝也。史稱其有子百二十人。蕭梁鄱陽忠烈王恢。男女百人。國朝慶成王。亦有子百人。皆方面大耳。每家集朱玉盈坐。仙傳。陵陽子仲服遠志二十年。

有子二十七人。杜子微服天門冬八十年。日能行三百里。有子四十人。彭祖年八百歲。喪四十九妻。五十四子。唐史。鄧子儀諸孫數十人。每群孫問安。不盡辨。領之而已。閩書。福州陳愷。子七人。孫二十八人。曾孫六十五人。玄孫一百三十人。世多顯仕。亦人倫之極盛也。南部新書。淮南程幹。本富家。三年間為水火蕩焚。家業俱盡。妻茅氏連八年生十六男。父子相携。行乞于市。更為可笑。

陳成子生男百人

史記索隱。陳成子有數十婦。生男百餘人。漢書中山靖王。樂酒好內。有子百二十人。南史。鄱陽王恢。有男女百人。男封侯者三十九人。女封主者三十八人。陳尚書僕射王冲。歷仕二梁。有子三十人。並至通官。宋書。左衛率胡藩。南昌人。有子六十人。多不遵法度。坐罪徙遠州。又陳宣帝四十二男。太子則陳后主。其封王者三十三人。除始興。誅逆。岳陽死。隋難。餘皆令終。又史記曰。田常有子七十餘人。田嬰有子四十餘人。其賤。妾子名文。是為孟嘗君。

老嫗八十二生子

姊妹由筆。嘉靖乙酉。濮陽李蒲。汀南行日記內。載利津有老嫗。年八十二。生子。南村

輟耕錄至正丁丑諍言拘刷童男女以故婚嫁不問長幼平江蘇達卿有女年十二
贅里人蒲仲明之子為僑明年生一子真珠船近者隰寧張娼之女十二歲而得男
劉氏之婦六十二而育女胚胎之結真有不假天癸者乾牋子張營妻七十二歲嫁
潘老復生二子。

人身神名

諸道書所載人身神名髮神名蒼華字太元形長二寸一分腦神名精根字泥丸長
寸一分眼神名明上字英玄形長三寸鼻神名玉龍字靈堅長二寸五分耳神名空
閑字幽田長三寸一分舌神名通命字正倫長七寸齒神名崢鋒字羅千長一寸五
分面部七神並衣飛羅裙各鎮其宮心神名丹元字守靈長九寸肺神名皓華字虛
成長八寸肝神名龍烟字含明長七寸腎神名玄冥字育嬰長三寸六分脾神名常
在字魂庭長七寸三分膽神名龍曜字威明長三寸六分六府真神同著丹錦飛裙
處五臟之內精血氣三真名無生君字黃血中赤氣君名混雜子字叔寶堅司命精
魂名發憑子字慶玄二神鎮我百關之血絕節之下上玄元父君名高同生字左迴
明下玄元母名叔火玉字石迴光帝皇太一名重冥空字幽寥元九帝尊名日月真

字眾帝。生太帝精魂。名陽堂。玉字八靈君。九關魂。名錄迴道。字絕冥天。紀帝魂。名照無阿。字廣神。七神鎮我本命之根。塞我死路之門。又二十四人行事訣。腦神覺元子。字道都。長一寸一分。白衣髮神。玄文華。字道衡。長二寸一分。玄衣皮膚神。通衆仲。字道連。長一寸一分。黃衣目神。監生。字道童。長三寸五分。青衣項神。靈謀蓋。字道周。長五寸。白衣脊神。益歷輔。字道柱。長三寸五分。白玉素衣鼻神。冲龍玉。字道微。長二寸五分。青黃白色衣耳神。名梁峙。字道長。長七寸。衣赤衣呼吸神。百流放。字道通。八寸九分。色衣肺神。素靈生。字道平。八寸一分。白衣心神。渙。字道明。長九寸。赤衣肝神。開童。字道清。長六寸。赤衣膽神。龍德拘。字子玄。鎮我兩乳之下。骨。之堅。玉君。字凝羽。珠。鎮我太倉之府。之真。名天精液君。字飛生。上英。鎮我胸中。四極之口。九玄之真男。名拘制。字三陽。鎮我左耳伏晨之戶。皇一之魂。四名上歸。字帝子。鎮我右耳伏晨之戶。紫素左元君。名醫鬱無刃。字來上。鎮我頭面之境。黃素元君。名圓華黃。字大張上。鎮我胸脇之境。白素右元君。名啓明蕭刃。字金門上。鎮我下關之境。日中司命。名接生。鎮我左手中。月中桃君。名方盈。鎮我右手中。胎中一元白氣君。名務玄子。字育尚生。太乙精魂。名玄歸子。字盛昌。二神鎮我五藏之上。結喉。

之本。結中青氣君。名案延昌。字合和。嬰兜元君。精魂。名保谷童。字明夫。二神鎮我五藏之下。大胃之上。節中黑氣君。名斌來生。字精上門。帝真精魂。名幽臺生。字灌上生。二神鎮我九腸之口。伏原之下。胞中黃氣君。名祖明車。字神無極。天帝精魂。名理維藏。字法珠。二神鎮我小腹之內。二紅之本。字道放。長二寸六分。青黃綠衣。左腎神春元真。字道卿。長三寸七分。玄白色衣。五色無常。右腎神象他無。字道玉。長三寸五分。衣白或黑衣。脾神名寶元全。字道騫。形長七寸三分。色正黃。又五帝襟修行乘龍。齒肝東方青。其人姓妻氏。字君明。心南方赤。其人姓張氏。字巨明。肺西方白。其人姓文氏。字元明。腎北方黑。其人姓玄氏。字子真。肺中央土黃。其人為己氏。字元己。又肝神名為青龍。字慈龍子方。心神名為豪丘。字陵陽子明。肺神名為方長宜。字子元。腎神名為雙以。字林子。脾神名為黃庭。字飛黃子。又太清真人終命訣。人身中有神。衣赤衣。長九寸。冠九德之冠。着綠璫之情。名曰响响。肝中有神。衣青衣。長八寸。名曰籃籃。膽中有神。長二寸。衣白衣。名曰護護。脾中有神。衣黃衣。長六寸。名曰裡裡。胃中有神。衣赤衣。長五寸。名旦旦。腎中有神。衣白衣。長四寸。名漂漂。雲笈七籤。上元泥丸神赤子。字元房。一名帝卿。中元絳房神真人。字子丹。一名光堅。下元丹宮神嬰兜。字元陽。

子一名玄谷

附玄覽。人有五藏六府九竅三百六十五節。十二經脉。十五絡脉。六百六十五穴。男子骨白。女子骨黑。男子頂骨八。女子六。男左右肋骨各十二。女子各十四。男子緞脊兩邊椽骨九竅。女子平布六竅。男子八歲而更齒。女子七歲而更齒。血勇者怒而面赤。脉勇者怒而面青。骨勇者怒而面白。神勇者怒而色不變。